




Suzuki 3

Czechy ostro

Dragon. raz



C.T. 38.

**GEMMÆ  
SELECTIONES**

Magnæ Pietatis ac Deuotionis cādore  
**SPLENDENTES,**

**Ex**

**Locupletissimo**

**SACERDOTVM ac CLERICORVM  
THESAURO**

**DE PROMPTÆ,**

*Omniūq; piē ac dignē Christum su-  
mere cupientium vsui*

**A**

**RD. ADAMO MAŁOWIESKI**  
Canonico Regulari Lateranen:  
Præposito Btonensi

**ACCOMMODATÆ,**

**Anno Dni. 1690.**

*Eremitarū Camaldul  
Montis  
Argenti*



**VARSAVIÆ,**

**Typis Collegij SCHOLARVM PIARVM**



Necesse est Sacerdotem sic esse  
pulum, acsi in coelis ipsis collo-  
catus inter coelestes illas virtu-  
tes medius staret. *S. Chrysost.*



Clamat vestis Clericalis animi  
honestatem, clamat status puri-  
tatem, clamat professio Religio-  
nem, clamat officium devotio-  
nem, clamat studium contem-  
plationem. *S. Hieronymus.*



# PRÆFATIO

AD

Amicum Lectorem.

**P**ost funestissimum illum ante omnes alios casum, quo Patria hæc longè lateq; vastata, ac omni decore suo spoliata, propè triennium Svecorum premebatur calce, oblatus est mihi à quodam amico libellus nomine THESAVRI SACERDOTVM insignitus, fugienti-

)(2

enti-

entibus Svecis cum aliâ  
præda excussus. Fortassè  
secretâ quâdam Dei pro-  
videntiâ; vt cùm pretiosa  
omnia abstulissent hostes,  
pretiosissima quæquè re-  
linquere cogerentur, qui-  
bus miserè expoliati Sa-  
cerdotes, saltem Pauper-  
tatem Spiritus ac devoti-  
onis depellere possemus.  
Oblatum ergò dictum  
THESAURVM ubi semel ite-  
rumq; diligentius revol-  
vi, adeò refertum preti-  
osissimis quibusq; Pieta-  
tis ac Devotionis cime-  
lijs



lijs reperi, vt indeficien-  
tem, mihiq; indigno sin-  
gulari quodam Dei be-  
neficio concessum repu-  
tauerim; quatenus ege-  
stati illi meæ, quâ arida  
quandoq; in obsequio  
Dei laborabat anima, hoc  
modo consularem: quod  
& facere semper studui,  
nunquam spontè com-  
mittendo, (aut omitten-  
do potius) quin aliquid  
quotidiè in Spiritualem  
profectum ex oblato mi-  
hi THESAURO deprome-  
rem. Hinc factum est,

ut per annos propè tri-  
ginta, quibus beatum me  
esse hoc sacro munere li-  
cuit, tunc solummodò  
pauperem me senserim,  
quandò ex eo nihil in  
commodum animæ de-  
prompti, aut ( quod ali-  
quoties contigit ) perdi-  
tum fuisse indoluli. Fate-  
or tibi amice Lector,  
amissi libelli damnum  
multò pluris semper æsti-  
mabam, quam cuiquam  
videretur. Et né fre-  
quentiùs ex repetita ejus  
amissione dolere coge-  
rer,

rer, similem alium habere  
re cupiens, ab aliquibus  
Bibliopolis requisivi:  
cumq; acquirere non pos-  
sem, rarissimum esse hac  
in Patria deprehēdi. Tum  
verò subiit animum me-  
um, quatenus spirituale  
hoc gazophylaciū reim-  
primi curarem, quod &  
feci; selectiores ac rario-  
res devotionum gemmas  
(paucissimis quibusdā in-  
termiſſis) ex eo depromē-  
do. Prima quidem inten-  
tione, vt Admodū Rēdos  
DD. Canonicos Latera-

)(4      nen-

nēnsēs Cañonica! Cērvē-  
nensis Spiritualibus hīscē  
divitijs locupletarē, dein-  
dē ut omnes piē ac sanctē  
Deo seruire, sacraq; Syna-  
xi dignē vti cupientes,  
pro meis iuvarē viribus.  
Boni quæso cōsule Ami-  
ce Lector, & æquā mēte  
fufcipe, quod ab animo  
finceræ pietatis tuiq; pro-  
gressus spiritualis studio-  
fo, profectum est.

Ad maiorem ejus honorē,  
cui seruire regnare est,  
cuiq; laus & gloria, per in-  
finita sæcula sæculorum.

Amen.

PRÆFATIO  
CHRISTI AD  
SACERDOTES,  
ET CLERICOS.

---

GENERI ELECTO,  
REGALI

SACERDOTIO,  
GENTI SANCTÆ  
Populo acquisitionis, &c.  
CHRISTVS,  
SACERDOS IN ÆTERNVM  
SECUNDVM ORDINEM  
Melchisedech.

*Formandæ dignitatis commendationem,  
& sacri Ministerij fidelem  
executionem.*

**P**iscatores hominũ Sacerdotes mei  
Præcones veridici, lucernæ diei,  
Charitatis radio fulgentes, & Spei,  
Auribus percipite verba oris mei.

**A**

**Vos**



Vos in Sanctuario mihi deservitis:  
 Vos vocavi palmites: Ego vera vitis.  
 Cavete ne steriles; aut inanes sitis,  
 Si mecum perpetuò vivere velitis.

Vos estis Catholicæ legis protectores,

Sal terræ, lux hominū, oviū Pastores  
 Muri domoꝝ Israel: morū correctores.  
 Vigiles Ecclesiæ, Gentiū Doctores:  
 Si legis protectio cadat, lex labetur?  
 Si sal evanuerit, in quo salietur?  
 Nisi lux appareat, via nescietur:  
 Et ni Pastor vigilet, ovile frangetur.

Vos cœpistis vineā meā procurare.  
 Hæc doctrinæ rivulis debetis rigare,  
 Spinās atq; tribulos prorsò extirpare  
 Ut radices fidei possint germinare,

Vos estis in area boves triturantes.  
 Prudenter à palea grana separantes:  
 Vos habet pro speculo legem ignorantes

Populi, qui fragiles sūt & incōstātes.

Quidquid vident laici vobis displicere,

Dicunt procul dubio sibi non licere,  
 Et quidquid vos opere vident a cōimplere,

Cre-

Credunt esse licitum, & culpâ carere.  
 Cum pastores ovium sitis constituti,  
 Ne estote desides sicut canes muti.  
 Vobis non deficiant latratus acuti,  
 Lupus rapax invidet ovium saluti.

Grex fidelis triplici cibo sustinetur,  
 Meo sacro corpore, quo salo augetur.  
 Sermonis cōpēdio, quod discretè detur  
 Ciboq; corporeo, ne periclitetur.

Omni bō tenemini vestris prædicare  
 Sed quid, quibus, qualiter, ubi, quan-  
 do, quare,

Debetis sollicitè præconsiderare.

Ne quis in officio dicat vos errare.

Speçtat ad officiū vestræ dignitatis,  
 Omnibus petētibus mea dare gratis,  
 Nec cuiusquā hominū munera pēdatis  
 Gratis Eucharistiam plebi ministrare  
 Gratis & absolvere, gratis baptizare,  
 Vobis data cœlitus cūcta gratis dare,  
 Oviumq; salutem sedulò curare.

Vestra conversatio sit religiosa,  
 Munda conscientia, vita virtuosa,  
 Regularis habitus, mensq; gratiofa,  
 Nulla vos coinquinet labes criminosa

Nullus fructus elevet statum vestræ  
 mentis,                      Az                      Gra-

Gravis in intuitu habitus sit testis.  
Nihil vos illaqueet curis inhonestis,  
Quibus claves traditæ sunt Regni  
cælestis.

Estote breviloqui, ne vos ad reatū  
Pertrahat loquacitas, nutrix vanitatū  
Verbū quod loquimini sit abbreviatū  
Nam in multiloquio non deest pec-  
catum.

Estote benevoli, sobrij; prudentes,  
Iusti, casti, simplices, pij, patientes,  
Hospitales, humiles, subditos docētes  
Consolantes miseros, pravos corri-  
gentes :

Nam si sic gesseritis curā Pastoralē,  
Verèq; vixeritis vitam spiritalem;  
Postquam exueritis chlamidē carnalē  
Ipse vobis conferam stolam immor-  
talem.



*Intervalum*

5

# PII SACERDOTIS EXERCITIVM

QUOTIDIANVM  
O ÆTERNITAS.  
ÆTERNITAS!

Quartū altera foelicissima, vel miser-  
rima mihi & fortè hodie obtinget:  
cū verò in morte Iudex advenerit  
quid pro ÆTERNITATE fecisse vèllē:

## DE DVPLICI EXERCITIO PII SACERDOTIS.

**P**ii Sacerdotis est, duo præcipuè e-  
xercitia quotidie pro virili exe-  
qui: Horas Canonicas integrè, reve-  
renter, & attentè persolvere. Missæ  
Sacrificium cum debita præparatio-  
ne, animi puritate, & spiritus fervore  
DEO offerre.

Quantum ad I. videlicet Horarū re-  
citationem; curet Sacerdos virtualē  
saltem habere intentionem Deum  
laudandi & honorandi, idq; exclusis  
distractionibus, quibus protestetur se

nolle assentiri. Ad quæ juvabunt  
quæ sequuntur.

I Præmittere orationem hanc in  
fronte breviarij positam. *Aperi Domi-  
ne oſ meum &c.*

II. Curare debet, ne aliquâ negligen-  
tiâ, vel oscitantiâ partem aliquam  
Horarum omittat.

III Post finem Officij dicat Orationē  
*Sacroſanctæ & individua Trinitati &c.*  
Quam devotè recitantibus Leo X.  
Papa, defectus & culpas in eo perſol-  
vendo ex humana fragilitate contra-  
ctas, indulſit.

Quantum ad II. ſcilicet quotidianū  
Miſſæ ſacrificium. I. meminerit Sa-  
cerdos pietatis, ſtudioſus verborum  
Seraphici Doctoris D. Bonaventuræ  
de fructibus Miſſæ.

**Q**uando Sacerdos eſt abſq; peccato mor-  
tali, & in propoſito bono, legitimum  
non habens impedimentum, & non ex  
reverentia, ſed negligentia celebrare o-  
mittit; tunc quantum in ſe eſt, privat,  
Trinitatem laude & gloria, Angelos le-  
titia, peccatores veniâ, iuſtos ſubſidio &



gratiâ in purgatorio existentes refrigerio, Ecclesiam Christi Spirituali, & seipsum medicinali remedio, omnibusq; bonis provenienti bus ex sacra Communionē, quæ sunt peccatorum remissio, fomitibus mitigatio, illuminatio, interior refectio, Christi & corporis eius mystici incorporatio, virtutum roboratio, contra diabolum armatio, fidei certitudo, elevatio spei, excitatio charitatus, augmentatio devotionis, & communicatio Angelorum :

II. Caveat ne aut arida consuetudine ductus, aut vana gloriâ, aut (quod turpius) spe lucri ad Altare Sacrificaturus accedat : sed quotidie bonam ac piam sibi formet intentionem, ad quam formandam proderit devotè legere sequentia.

### GREGORIUS XIII.

PONT. MAX. concessit cuilibet Sacerdoti dicenti ante celebrationem Missæ, quæ sequuntur, 50. annorum Indulgentiam.

#### *Forma intentionis.*

**E**GO volo celebrare Missam & cōficere corpus, & sanguinem Do-

mini nostri Iesu Christi, juxta ritum sanctæ Romanæ Ecclesiæ, ad laudē Omnipotentis Dei, totiusq; curiæ triumphantis, ad utilitatem meam, totiusq; curiæ militantis, pro omnibus qui se commendaverunt orationibus meis in genere, & in specie, & pro fœlici statu Sanctæ Romanæ Ecclesiæ Amen.

Gaudium cum pace; emendationē vitæ, spatium veræ pœnitentiæ, gratiam & consolationem sancti Spiritus, perseverantiam in bonis operibus tribuat nobis omnipotens, & misericors Dominus. Amen.

*Alia forma intentionis ad Missam  
Celebrandam.*

**A**D laudem & gloriam Sanctissimæ Trinitatis; in memoriam Salvatoris nostri Iesu Christi, Vitæ, Passionis, Mortis, ac Resurrectionis, ac operum & meritorum suorum, omniumq; Sanctorum vnionem. Ad laudē & exaltationem Beatissimæ Virginis MARIÆ, Cœlestium Angelorum, Sanctorum atq; Sanctarum & signan-  
ter

ter NN. & aliorum Sanctorum; offero etiam cum ipsorum beatorum Spirituū laudibus, Sāctorumq; omnium precibus & meritis nunc & semper, hoc, & omnia alia sacrificia, officia, orationes & bona opera totius mundi pro meis præsentibus & futuris animæ & corporis necessitatibus, in auxilium & consolationem meam, & in remissionem omnium peccatorum meorum, quantum veram contritionem semper habere intendo, conor. & cupio, omniumq; vivorum, & defunctorum meorum parētum, & consanguineorum, amicorū, inimicorum, benefactorum in spiritualibus, & temporalibus, ac illorū quibus fui gravamen, scandalum, & occasio peccandi. Pro omni gradu Catholicæ Ecclesiæ, ac illius conservatione, augmento & exaltatione, Christianorum Principum vnione, hæresum extirpatione: Summi Pontificis salute, & animarum in purgatorio existētium liberatione. Pro conservatione & incremento omnium

**Religionum.** Pro conversione omnium infidelium. Pro mihi commissis & commendatis. Deniq; pro illis omnibus vivis atq; defunctis, pro quibus Dominus noster Iesus Christus & eius Mater sciunt & volunt me debere sacrificare: sic oro, obsecro, ac orare, obsecrare, sacrificare intendo ac propono, juxta intentionem sanctæ Romanæ Ecclesiæ, ego N. Minister licet indignus. In Nomine Patris & Filij, & Spiritus Sancti Amen.

*Conscientie discussio.*

III. Formata intentione juxta Apostoli doctrinam *Probet seipsum Sacerdos, antequam de Pane illo edat, & de Calice bibat.* Quam quidem prohibitionem per conscientie discussionem opportunè faciet, adhibita Confessione, vel saltem contritione, si deficiat copia Sacerdotis, & necessitas aliqua urgeat ad celebrandum: nam alias nullus Sacerdos sibi conscius peccati mortalis, etiam cui ex officio incumbit celebrare, potest absq; Sacramentali Confessione præmissâ, ad sacram-

Eucharistiam accedere, quantumvis sibi contritus videatur, vt declarat Concil. Trident.

*Quando formandus contritionis actus.*

Frequens ejus usus à viris doctis & pijs plurimùm commendatur: Primò potissimùm manè, vt Deo reconciliati opera nostra alias mortua, meritoria vitæ æternæ offerre possimus. Secundò vesperi in examine conscientiae, contra repentinam mortem. Tertiò post peccatum aliquod mortale admissum, ne inimici Dei perseueremus. Quartò ante orationem, cū non sit *Speciosa laus in ore peccatoris*. Quintò in periculo mortis. Cuius quidem contritionis actus formari potest vt sequitur.

**D**omine Iesu Christe. vere Deus & Homo, Creator pariter & Redemptor meus, doleo ex intimo corde me tuam Maiestatem offendisse, cum tu sis Deus meus & omnia quem super omnia diligere & colere debeo. Proinde firmiter statuo ac propono, me non amplius offensurum, sed o-



mnes peccandi occasiones deuitaturum pro viribus, me insuper de noxis meis confessurum, & pœnitentiam quamecunq; imponendam impleturū. Ad pleniorē verò satisfactionem hodie tibi offero meipsum, vitā meam, omnes labores meos, omnia deniq; interiora & exteriora mea. Et quemadmodum delictorum meorum veniam supplex efflagito, ita me eam impetraturum confido: per infinitam misericordiam ac benignitatem tuā: per merita quoq; pretiosissimi sanguinis ac sanctissimæ Passionis. Te insuper daturum spero gratiam emendādi vitam meam, & in bono usq; in finem perseverandi: intercedentibus pro me apud tuam clementiā B. Mariā semper Virgine Matre tua & omnibus Sanctis tuis. Amen.

*Propinquior præparatio ante Missam.*

IV. Sacerdos celebraturus, ex præscripto Missalis Romani nonnihil Orationi vacare debet. Itaq; sepositis omnibus, se intra seipsum recipere conetur. quā maximā poterit efficiā tria sequentia obeūdo: *Pun.*

*Puncta Considerationum ante Missam.*

Primò, Præmissa consideratione, quod quamvis quicquid unquam Sancti imò omnis Angelorum ac cælitū multitudo facere potest, efficiat, debitè tamen tanto mysterio se præparare nequeat; petat humiliter à Deo ut eo se disponat modo; quò gratio-rem & acceptiorem immensæ suæ Majestati futurum cognoscit. Et quò influxui divinæ gratiæ, divinisq; inspirationibus sit aptior hac ratione se humiliet: ex una parte intuendo quā sit indignus tanto mysterio: in vilitalis atq; adeò nullitatis suæ abyssum se demergat, considerando quòd non solùm ex nihilo nihil sit, verùm etiam fons & scaturigo peccati, esca inferni, (à quo singulari Dei beneficio & pretio est ereptus) imperfectionibus, negligentia, & corpore in bonis operibus nihil ex se, nisi dissipator divinæ gratiæ remaneat. Alia ex parte abyssum divini amoris penetret, per quem tam vili & abiecta creatura in re tam sublimi uti voluit, nimirum  
ad

ad consecrandum, offerendum, & recipiendum Corpus & Sanguinem Iesu Christi Filij Dei viventis. Admittatur ergo omnibus modis cum redamare, benedicere, eiq; gratias referre

Secundò, Præmissa Consideratione quid facturus sit, Sacrum Missæ officium celebrando. nimirum non solum repræsentaturus, sed etiam rectè oblaturus Deo illud ipsum sacrificium, quod pro toto mūdo Christus in Cruce obtulit: se ipsum unà cum hoc incruento, vivum quodammodò Sacrificium & Holocaustum conjūgat cruento illi Sacrificio Passionis, preceaturq; ex intimis cordis sui visceribus Christum Dominum, ut illo divino Amoris igne omnes suos defectus, imperfectiones & peccata comburere, atq; consumere dignetur, qui eū impulit, & vitam pro nobis ponere, & acerbissimam mortem Sustinere.

Tertiò, omnem intentionem, quopotest maximo affectu, ad quatuor potissimū in celebratione quā perfectissimè assequenda diriget. Primò

Deo

Deo maximam quam potest & mere-  
tur ipse gloriam exhibere, in unum  
colligendo eam omnem, quæ ipsi ab  
origine mundi data fuit, & quæ illi in  
æternum dabitur à sanctissima Christi  
Humanitate, & beatissima Virgine,  
totâq; Curia cœlesti: & cum hoc om-  
ne ad comparationem tam immensæ  
Majestatis perexiguum sit, addat eam  
ipsam quam à seipso habet. Secundò,  
ut gratitudinis officio (quod erga De-  
um cū toto mūdo nobis comune est)  
satisfaciat, offerat Deo Filium suum  
donum infinitum. Tertiò, Memoriâ  
Passionis Christi in Missa multis mo-  
dis repræsentatam, viva quadam mē-  
tis repræsentatione renovare cōten-  
dat, Deo mortem Unigeniti Filij sui  
in satisfactionem mortis æternæ à  
toto humano genere persolvēdæ, of-  
ferendo. Quartò ut tutè Sacrificij hu-  
jus acceptabilis, toti Ecclesiæ & mul-  
tis particularibus negotijs & perso-  
nis, quantum recordari decreverit,  
modo sequenti, auxiliari tenetur.

Primò Capiti Christi coronato spi-  
ritu,

nis offerat summum Pontificem cum omnibus Prælatiſ & ſtatu eccleſiaſtici; & omnes Principes.

Secundò, Lateri Chriſti Sanctam Eccleſiam, quæ; ut Sponſa ab eo in Cruce egreſſa eſt.

Tertiò, manui Chriſti dexteræ offeres benefactores & amicos, & Siniftræ perſecutores & malevolos.

Quartò, Pedi dextro, commendabis ex obligatione vel obedientia: Siniftro omnes qui ſunt in peccato mortali.

Quintò Cruri, omnes Religiones à ſede Apoſtolica approbatas.

Sextò, flagellis, ſputis & alapis omnes Gentiles & Hæreticos, qui flagellant Chriſtum.

Septimò, Siti, quam paſſus eſt imprimis ſeipſum: deinde illos qui ſitiunt & deſiderant ut Deum pro ipsis oret.

Octavò, Agoniæ & triſtitia, quam paſſus eſt in horto omnes perſonas in tribulatione conſtitutas, & calamitates tam publicas, quam privatas.

Nonò, Morti Salvatoris, omnes deunctorum animas.

*Ap-*

*Applicatio Missæ pro vivis .*

V. Sacerdos sui memor officij ante sacrum debet sequentem aut similem Missæ applicationem devotè & cum affectu percurrere .

*Memento Viuorum .*

1. Mei, parentum, fratrum, sororum, consanguineorum, & omnium amicorum meorum .

2. Omnium quibus fui gravamen, scandalum, & occasio peccandi .

3. Omnium benefactorum meorum in temporalibus & spiritualibus .

4. Omnium Sacerdotum, & Ministrorum Ecclesiæ Dei Catholicæ .

5. Omnium inimicorum meorum ad dimissionem .

6. Omnium Hæreticorum & infidelium ad conversionem .

7. Omnium agonizantium, improvise morientium .

8. Omnium mihi commissorum in genere, & in specie, & omnium pro quibus vis & scis me debere orare .

*Applicatio Missæ pro defunctis .*

*Memento mortuorum .*

I. Ani-

1. Animarum parentum, fratrum, fororum, consanguineorum, & omnium amicorum meorum.

2. Animarum, quæ, occasione mei, purgantur in purgatorio.

3. Animarum omnium benefactorum meorum in spiritualibus & temporalibus.

4. Animarum omnium Sacerdotum & Ministrorum Ecclesiæ Dei Catholicæ.

5. Animarum quarum non est specialis memoria.

6. Animarum omnium mihi commissarum in genere & specie.

7. Animarum omnium improvise morte corporibus exutarum.

8. Animarum existentium in Purgatorio, & omnium pro quibus vis, & scis me debere orare.

*Breves Sanctorum Litaniæ ante vel post  
Missam pro Sacerdotis opportunitate  
dicenda.*

*Antiphona. Osacrum Convivium &c.*

**K**yrie eleison. Christe eleison, kyrie eleison. Christe audi nos, Christe exaudi nos.

**P**ater de cœlis **D**eus, qui per æternū  
tibi



tibi Filium cuncta creasti, eumq; pro mundi reparatione carnem suscipere voluisti, ut ego indignus Sacerdos ejusdē Filij tui corporis & sanguinis sacrificium dignè, tibiq; acceptabiliter offerre possim. Miserere mei.

Fili Redemptor mundi Deus, qui sacri corporis & sanguinis tui sacrificium in memoriam amarissimæ Passionis tuæ instituisti, ac pro vivis & defunctis in Ecclesia offerri voluisti: ut ejusdem sacrificij dignus minister inveniar. Miserere mei.

Spiritus Sancte Deus, piarū mentium inhabitator, qui Incarnationis Domini nostri Jesu Christi cooperator fuisti, ut ego corpus & sanguinē ejusdē Domini nostri in sacrificio corde purificato dignè offerā & sumā. Miser. mei.

Sancta Trinitas, unus Deus, qui me peccatorem sacris Altaribus adflare voluisti, ad sancti nominis tui laudandam potentiam, ut tuæ Majestati dignè famulari, atq; pro vivis & defunctis tuam clementiam exorare possim. Miserere mei.

Sancta.

Sáncta Maria, de cuius utero DEI Filius carnem suscepit, quam ego indignus offerre & sumere intendo: ut hæc salutaria mysteria efficiantur mihi salus & vita. Ora pro me.

Omnes sancti Angeli & Archangeli, qui Filium DEI hominem factum adorastis, jamq; regnanti assistitis: ut ex eius Altaris participatione corpus & sanguinem sumens, omni benedictione cœlesti & gaudio replear. Orate pro me.

Sancte Ioannes Baptista qui Christi Domini corrigiam calceamenti solvere indignū te reputabas: dignus tamē ab ipso habitus, qui sacrum eius verticem contingeres: ut ego hæc Sacramenta salutis humiliter ac dignè tractare ac sumere possim. Ora pro me.

Omnes Sancti Apostoli, quos Christus in novissima cœna Sacerdotes Novi Testamenti creavit ac primum seipso cibavit: ut gratiam per manus impositionem mihi collatā non negligam, sed quotidie incremento debito augeam. Orate. Om-

Omnes Sancti Evangelistæ, qui Institutionis huius Sacrificij debitum scripto testimonium dedistis: ut ego plena fide, charitate feruenti. ac devotione perfecta sacrificium istud peragere possim. Orate pro me.

Omnes Sancti Martyres, qui Christo Regi Martyrum corpus & vitam in Passione litanti vicem, quam potuistis, in Martyriū, oblatione rependistis: ut ego me meaq; omnia & ipsi tanquam diuturno Martyrio perfectè offeram. Orate pro me.

Omnes sancti Pontifices & Confessores, Sacerdotes Domini, qui digna Sacrorum communione multiplicem ab eo benedictionem & vitam recepistis. ut meum, quod oblaturus sum sacrificium, ipsi quoq; sit acceptabile, mihiq; & omnibus pro quibus illud offeram, propitiabile. Orate pro me.

Omnes sancti Monachi & Eremitæ, qui cibo potuq; cœlesti sæpius refecti. pravas concupiscentias & desideria mala superastis, ut ego sacris huius mysteriis armatus & animatus me ipsum

psum omnesq̄ inimicos animæ meæ  
superem. Orate pro me.

Omnes sanctæ Virgines & Viduæ,  
quæ per Castitatis studium dignū Fi-  
lio DEI in vobis habitaculum præpa-  
rastis: ut & ego expurgatis omnibus  
quæ eius displicent Maieſtati, gratum  
ei in anima mea exhibeam taberna-  
culum. Orate pro me.

Omnes sancti & sanctæ DEI, qui be-  
atificā jam visionē aspicitis, honora-  
tis, & adoratis, quem nos hīc inte-  
rim non nisi sub speciebus, & quasi in  
ænigmate videmus, ut per salutiferū  
huius Sacramenti usum, vestro simul  
dignus consortio inveniar. Orate.

*Oratio*

**D**EVS, qui nobis sub Sacramento  
mirabili Passionis tuæ memoriā  
reliquisti: tribue quæsumus, interce-  
dētibus omnibus Sanctis tuis, ita nos  
corporis, & sanguinis tui sacra myſte-  
ria venerari, ut redemptionis tuæ fru-  
ctum in nobis jugiter sentiamus.

**O**bscuro te dulcissime IESV Christe,  
ut passio tua sit mihi virtus quā  
mu-

muniar, protegar, atq; defendar, vulnera tua, sint mihi cibus, & potus quibus pascar, enutriar, atq; delecter; aspersio sanguinis tui sit mihi ablutio omnium peccatorum meorum. Mors tua sit mihi vita indeficiens: Crux tua sit mihi gloria sempiterna, refectio & auxilium, sanitas & gaudiū, desiderium & solatium cordis mei, nunc & in perpetuum. Qui vivis & regnas cū Deo Patre in unitate Spiritus Sancti DEVS, Per omnia sæcula sæculorum. Amen.

*In ipso Missæ actu quid præstandum.*

VII. Ipso Missæ tempore allaborabit sacerdos. Primò, Quantum poterit ex ijs quæ profert, aliquid profectus spiritualis haurire atq; vocem divinarum inspirationum audire, quandoquē illas perceperit. Secundò, in Memento non multum inhærebit recordationi diversarum rerum, sed cū eas ante Missam Deo obtulerit nunc omnes in unum colligens, eas Deo maiori quo poterit affectu offerat. Tertiò, consecrationis tempore, persuasum habens, se iam alium esse

à se-

à seipso, Christum videlicet, in cuius persona sibi consecrandum est: Deū precabitur, ut suscipiat sacrificiū uni-  
ci Filij sui in ablutionem omniū pec-  
catorum, & odorem suauitatis, non  
secūs ac si modò mereretur. Quartò,  
Communionis tempore primò adni-  
tatur communicare cum profunda re-  
verentia, seipsum verè indignissimū  
tanto Sacramento persuasum habens,  
utpote cuius anima sit quasi spelunca  
& cloaca spurcissima, & animalium  
venenatorum habitaculum, quantum  
est ex se, & seclusa gratiā DEI mise-  
rantis. Deinde magno amoris æstu  
in Christum transformari suspirabit,  
similisq; illi fieri in sanctitate, & vir-  
tutibus optabit.

*Post Missam quid agendum.*

VIII. Post Missam verò, primò de  
negligentiis in celebratione admissis  
veniam petat. Secundò DEO pro ac-  
cepto beneficio gratias agat, quod  
nimirum facultatem largitus sit reno-  
uandi memoriā Passionis Christi, &  
eam in cor suum per Communionem  
ad-

admittendi. Tertiò, offerat Patri æterno pro se & tota Ecclesia, quicquid tum fecit, tum passus est pro nobis Christus triginta trium annorum spatio, nec à sui oblatione desistat. Quartò, sibi aliisque ab ipso concedi petat, quicquid illi gratius fuerit, & quicquid ab æterno sibi conferre disposuit, maiorem sui ipsius custodiam statuendo in posterum.

## GRATIARVM ACTIO

*Post Missam*

**O** Dulcedo cordis mei & vita animæ meæ, & iucūda requies spiritus mei, dulcis Iesv, immortales tibi ago gratias pro omnibus beneficiis mihi collatis, signāter verò, quia hodiè me dignum fecisti, verū & immaculatum Corpus & Sangvinem tuum pretiosum consecrare, pertractare, illudque tibi offerre in memoriam tuorum mirabilium, ad tuam gloriā, & in remissionē omnium peccatorum tam meorum, quàm illorum, pro quibus orar e sacrificare, & offerre proposui, illoque in salutem, & consolationem animæ,

B

meæ



me & cibari & nutriri. Quapropter vere dicere audeo: cibus meus Christus & ego eius. Multiplico ergo, & quotiescunq; respiro multiplicare intendo meam voluntatem in infinitū in tuis laudibus, Precorq; Beatissimā Virginē, Angelos, Sanctos, Sanctas, & Creaturas universas pro me immensas tibi referre gratias, imò quia istæ minimè sufficiūt, Tibi supplico, ut tibi ipsi gratias agere, te laudare, & glorificare complaceas, & quia dignatus es istam indignam, tuam tamen facere habitationem, dignare quoq; apud ipsam, perpetuam facere mansionem: effice me hominē secundum cor tuum, uni me tibi intimē, & totum transforma, & trāsmuta in te. Salva me IESV CHRISTE, & cunctam à me hostis antiqui depelle nequitia per tuam innocentissimam passionē. Oro tandem ut digneris gratias, & indulgentias omnes, quas hoc sacrificio vel comunione mediāte acquirere & lucrari possum, cōcedere tam mihi, quàm aliis, vivis & defunctis, quibus

bus applicare proposui: quia te ipsum  
& pro ipsis exoro, pro quibus & tu vis,  
& sanctissimus Pontifex intendit hac  
de causa me debere orare. Amen.

**O**mnipotens sempiterne DEVS, cō-  
seruator animarum, mundiē re-  
demptor me famulum tuū ante Ma-  
iestatem tuam prostratum benignissi-  
mè respice & sacrificium, quod in ho-  
nore nominis tui pro salute fideliū  
tam vivorum, quàm etiam defūctorū  
& pro peccatis & offensionibus meis  
obtuli, piissime respice, irā tuā à me  
remoue, gratiam, & misericordiā mi-  
hi concede, ianuam paradisi mihi pā-  
de, ab omnibus malis me potēter cri-  
pe, & quicquid proprio commisi rea-  
tu, clementer indulge. Et sic in hoc  
sæculo, in præceptis tuis fac me per-  
severare, ut dignus electorū gregi co-  
pulari efficiar: te præstāte DEVS meo  
cuius nomen benedictum h. nor, atq;  
regnum permanet in sæcula sæ-  
culorum. Amen.

# DE MEDITATIONE SEV ORATIONE MENTALI

IX. **T**este S. Augustino Homil. 4 in  
ter. 50. *Recte nouit viuere, qui  
recte nouit orare.* Experientia autem  
docet Orationē eam, quæ Meditatio  
dicitur, præ cæteris utilis, ac DEO ac-  
ceptā esse, sine qua teste S. Bonauen-  
tura. *Vita Ecclesiastica arida est, & ad  
ruinam promptior.* Visū itaq; est de illa  
hic aliquid in gratiam pii Sacerdotis  
subiicere.

## *Methodus meditandi*

Sapiens monitum est, Eccl.. 10. An-  
te orationē præpara animā tuam, &  
noli esse quasi homo qui tētat DEVM.

## *Preparatio ad Meditationem.*

Primò igitur abiicendæ curæ super-  
fluæ, quæ velut spinæ animum in Me-  
ditatione pungunt. Ita D. Bernar-  
dus loquitur.

Secundò, Præfigendus finis debitus  
Orationi. qui est, DEO honorem ex-  
hibere, & virtutem ac sanctitatem  
acquirere.

Ter-

Tertiò, In omni Meditatione debet Oratio præparatoria præmitti: quod semper fit eodem modo: petendo à DEO gratiam, ut tempus Meditationis benè & cum fructu transigamus.

*Duo Præludia præmittenda .*

Quartò, Sequuntur duo Præludia . Primum est compositio alicuius loci, quæ imaginatio in proposita materia retineatur, quæ in mysteriis est fingere coram se ea peragi iisdem circumstantiis, quibus olim peracta sunt. Crebrò autem præludium esse potest coram Omnipotente DEO unà cum Angelo Custode se sistere .

Secundum Præludium est, humiliter supplicare DEO, ut Dominus DEVS dignetur dare gratiam, ut consequamur id, quod puncta Meditationis faciendæ continent.

*Materia prævidenda .*

Quintò, Quicumq; vult cum fructu meditari, pridie perlustret materiam, Manè autem ante omnia eandem materiam ad memoriam reuocet. Materiam autem Meditationis ad iuvandū

infirmi-  
tatem nostram, multi doctissi-  
mè & piissimè suppedita-  
unt.

*Meditari quid sit.*

Sextò, Meditari autem est velut in corde depingere mysterium vel aliquam doctrinam è vita Christi, vel perfectionem Dei, cum suis circumstantiis, eo fine, ut ex his instructionē aliquam ad emendationem vitæ consequamur.

Postquam memoria rem repræsentavit, Intellectus velut quidam oculus eam, eiusq; partes, ac circumstantias comprehensas comuni versiculo.

Quis, quid, ubi, quibus auxiliis, cur: quomodo, quando contempla-  
tur: Post hæc Voluntas ea, quæ ratio dictavit ac iussit, quasi manu apprehendit.

*Affectus in meditatione exercendi.*

Septimò, Triplex affectus in Meditatione exercetur, Primus est Doloris 2. Amoris virtutis. 3. Amoris Dei: quibus viri spirituales tres animæ vias respondere dicunt: Purgatiuam, Illuminatiuam, & Unitivam.

Octa-

Octauo in Meditatione varii affectus occurrunt, qui ad octo referri solent. 1. Admirationis 2. Cōpūctionis 3. Cōpassionis 4. Gratiarū actionis. 5. Spei. 6. Lætitiæ. 7. Amoris. 8. Imitationis.

*Praxis Meditationis.*

Nonò, Ad facilem & compēdiosum usum eorum quæ dicta sunt, postquā materiam seu punctum legeris, forma tibi has quæstiones.

Prima sit, Quid in hac materia notandum est? 2. Quid ponderandum ad profectum? 3. Quos affectus ex hac ponderatione seu consideratione elicere debeam? 4. Quomodo, & quibus circumstantiis, quæ hic proponuntur documenta factis exequar? 5. Quomodo ex his cum Deo meo loquar? subiunge Colloquium cum Domino Deo eumq; propone ante oculos, & alloquere prout animus suggeret.

*Meditatio quomodo terminanda?*

Decimo, Finita meditatione oportet perpendere, & breuiter ad memoriam redigere præcipuas considerationes, quæ nos maximè tempore me-

ditionis' mouerunt: concludendo autem gratias agere DEO, & dicere Pater noster. &c. Ave Maria &c.

Vndecimò, Reperiuntur non pauci qui in Oratione mentali initio sūt aridi circa operationem intellectūs: sed propterea non debent animum abii-cere, exemplo sactæ Matris Tereffiæ.

*Diuerfi modi meditandi.*

Duodecimò, Sancti ac pij viri etiam alios orandi modos cum magno fructu & utilitate usurpârunt.

Quidam enim utuntur primo aut secundo mixtæ orationis modo: quos S. Ignatius in suis exercitijs descripsit. Ad primū spectat si percurras breuiter singula DEI & Ecclesiæ Præcepta, tum peccata mortalia, & virtutes jisdem oppositas, quinç; sensus; tres animæ potētias: atq; ubi quid primum sibi præceptū velit mēte penetraueris deinde etiam discusseris quonā illud modo obseruaueris, aut violaueris; ad veniæ & gratiæ postulationē recites semel Pater noster &c. Ave Maria &c.

Quod simili modo. circa secundum,

&



& consequentia præcepta, virtutesq; observare debes .

Ad secundum Orationis modū spectat, si vocalem aliquam Orationem, Dominicam exēpli causa, Symbolum, Psalmos, Hymnos, Litanias, & cæteras huiusmodi coluetas Ecclesiæ preces attentè & quietè recites, tamdiū in singulis verbis, aut incis per ordinem immorando, quamdiū tibi aliquid spiritualis intelligentiæ, & pij affectus occurret .

Alii summa sibi in terris paupertate proposita, & cælestis regni divitiis, magnaq; animo cōcepta spe aliquid è beatorum liberalitate spiritualis elemosynæ accipiendi, se velut in fidē & societatem Angeli custodis, & S. Patroni tradunt, ab iisq; se per omnes quasi plateas & compita cælorum deduci permittunt. Modo exempli causa, ad vicum Angelorum, domum orationis, modo ad vicū Patriarcharum, lumen fidei: modo ad vicum Apostolorum, charitatis virtutem petitori: & ita de cæteris, ut cuiq; pro sua ne-

ce. litate & devotione libebit.

Alii totam Christi Domini vitam in certa spatia dividunt, & loca sancta in quibus ipse commoratus est, stationes veluti quasdam constituunt.

**I.** Ad civitatem Nazareth, in qua conceptus novem menses in B. Virginis utero habitavit. Deinde in præsepe Bethleemiticum, ubi quadraginta diebus: tum in Ægyptum ubi degit septem annis, postea iterum in Nazareth, ubi viginti duobus annis vixit.

Ad desertum. ubi quadraginta diebus. Ad Galileam & Iudæam, quas ferè quadriennio Evangelicà prædicatione lustravit.

Ad cœnaculum, hortum, & cætera Passionis loca, in quibus duobus ferè diebus Christus est passus.

Ad Crucem, in qua tribus diebus: ad sepulchrum & limbū, ubi quadraginta horis: tandē iterū ad terras quas quadraginta dies post Resurrectionē coluit. Ad singulas autē stationes recitant  
5. Pater noster, & Ave Maria &c.

**Nonnulli Christi Crucifixi quinque**  
pla-

plagas adeunt, & ad dexteram quidē manum gratias Deo agunt, ob bona omnia naturæ & gratias à divina liberalitate collatas, veniamq; quòd malè ijs usi sunt, & gratiam, quo melius in posterum utantur, auxiliumq; petunt.

Ad sinistram gratias agunt de rebus adversis, & vitæ huius incomodis, quòd malè usi fuerint veniā, ut benè deinceps utantur, gratiam etiam postulant.

Ad pedem dextrum veniam petunt negligentiae & omissionum, quibus in via perfectionis, & spirituali progressu sunt retardati.

Ad sinistrum, quòd in tam frequentes imperfectiones inciderint.

Ad latus, quòd adeò frigidi in Dei & proximi amore extiterint.

Alii prævidēt opera sua atq; actiones totius diei singulas, & proponunt in particulari vitare eas imperfectiones, quas ijs admiscere consueverint, easq; ijs ornare uirtutibus, quas sibi necessarias esse ducunt, potissimum verò puritatem intentionis, qua nihil in his

præter divinâ gloriâ spectare queant.

Sunt deniq; qui cum corporis infirmitate, obedientiâ, aliaq; occasione præpediri se ab exercendis misericordiæ spiritualis & corporalis operibus vident, miseris qua possunt arte perorationis auxilio succurrunt: modo enim percurrunt unius, aut plurimæ Xenodochia civitatum, aut carceres & in singulis pro infirmorum salute, & captiuorum liberatione solatioq; recitant aliquam Orationem. Modò ad varias mundi partes: ad sanctum sepulchrum, ad limina Apostolorum, B. Virginem Lauretanam, Divum Iacobum, aliaq; pia loca peregrinationem instituunt, & oblationis nomine orationes in singulis ad DEVM & sanctos fundunt.

Modo in urbes Hæresi, infidelitate, vitiis, bello, aut peste infectas se transferunt, & quam possunt opem, subsidiumq; doctrinæ & consolationis per orationes in singulis DEO fufas, fidelibus & infidelibus præstant.


Ex his omnibus poterit facile quivis  
oratio,

orationis tædium & laborem avertere assumptis ijs orandi modis, quos magis suo commodatos ingenio intelliget poteritq; pari ratione similes alios adinuenire, si qui magis placeant.

Quod si horum nihil proficit. serventur aliquæ piæ imagines, aut libellus, ad cuius lectionem attentam, & lentam, aliqua consideratio mentis & affectus voluntatis admisceantur.

*Sicut sol corpus, ita oratio illuminat  
Animam, S. Chrys.  
Tom. 5. lib. 1.*





# PIA DOCUMENTA.

ET

BREVES MEDITATIONES,  
ANTE ET POST MISSAM,  
ad vtiliter recolenda per Annum  
præcipua salutis nostræ Mysteria.

---

## CAPVT I.

### ANTE SACRVM

*Meditationes septem pro singulis  
Hebdomadæ diebus.*

## PRO DOMINICO DIE DE REGE.

**Q***Uis venit?* Christus Rex benignus,  
mansuetus, non iam ad regnan-  
dum, sed ad dicendum iustitiam,  
dandam salutem &c.

2. *Alquem?* ad subditum, qui de-  
bet *decem millia talenta* Math 18. 24.  
qui nec obolum habet, undè incipiat  
tam grande debitum exsolvere nisi  
ab ipso accipiat, det. &c. 3. *Ad*

3. *Ad quid venit?* non ut seruū vēdat, non ut omnia accipiat, & filios servituti subiciat, sed ut tribuat ei pretiū maius debito, corpus, sanguinem, &c.

## FER. II. DE DOMINO.

1. *Quis venit?* DOMINVS, qui servis imposuit iugum suave Math. 1. & onus leve suæ legis, ac pro obsequiis unius momenti, daturus est æternum gloriæ pondus. 2. Cor. 4. 17.

2. *Ad quem?* ad mancipium, quod plus quàm millies; legis sanctissimæ vincula fregit, iugum servitutis excussit, & adversario (*peccato*) se subiecit.

3. *Ad quid?* ut hoc mācipium trahat (Ose: 11. 4.) in vinculis Adam id est charitatis, & ereptum à iugo inordinatarum passionum, reducat in servitutē suam omni imperio feliciorē.

## FER. III. DE MAGISTRO.

1. *Quis venit?* MAGISTER facilis, non ut illi, qui alligāt onera gravia Matth.



& nolūt ea digito mouere Act 1. sed qui fecit prius quod docet & in via perfecti onis homines, Angelos. &c. erudivit.

2. *Ad quem?* ad rudem discipulum, qui nūquam hactenus, vel valdè serò, ad audiendum doctrinam virtutum venit & citò per levitatem recidit.

3. *Ad quid?* ut ( cum sponsa ) apprehendam cum fide & ducam spe in domum mentis mee, ibi docebit me vias iustitiæ, & ego dabo ei vicissim vinū SS. affectuum.

#### FER IV, DE AMICO

1. *Quis venit?* Christus AMICUS, qui nos pretio sanguinis redemit, & ad dignitatem amicissimorum evexit: qui à nobis desertus non deserit. peccatis irritatus non contemnit.

2. *Ad quem?* ad eū, qui toties amicitia contempsit, gratiæ peccatū præposu- it, ac eius familiaritatem pro vanissi- mis hominum colloquijs cōmutavit.

3. *Ad quid venit?* ut sit amicus fidelis, protectio fortis, &c. invento thesau- rum

rum habeam, & augeat amicitia, atq; intimius semper mihi amorem uniat.

## FER V. DE FRATRE.

1. *Quis venit?* verus FRATER, qui licet verus DEUS, non confunditur fratris vocatione. Frater *primogenitus*.

1. Hebr. 2. cuius tota est hæreditas, sed alios libentissimè adoptivos admitit.

2. *Ad quem?* ad me Fratricidam, quem ceu Cain, *in agro huius* Gen. 4. mundi peccatis occidi, & eum quasi temulentum amore (non vino) acerbissima morte mulctavi.

3. *Aliquid?* ut Fratrem (à quo occisus est) in vita spirituali conservet, neque profugum, ac vagum super terram esse permittat.

## FER VI. DE PATRE.

1. *Quis venit?* PATER, (Is. 9. 7.) futuri sæculi & habitatibus (Is. 22. 21.) Hierusalem, qui Ecclesiæ filios verbo veritatis genuit, & esse divinum

(per-

(per gratiam) tribuit, qui nos tenerimè amat & filios vocat, (1. Ioan. 2.) donec formetur in nobis. Gal. 4. 19.

2. *Ad quem venit?* ad me *filium prodigum* Luc. 1. 22. dissipavi substantiam gratiæ divinæ ad salutem, inani-ter valdè & inutiliter.

3. *Ad quid?* ut induat me *stolâ primâ* (amictu gratiæ) det *annulum* donorû cœlestiû, *calceus* auxiliorû protegat *pedes* (affectus) vt satiet *vitulo saginato* (corpore & sâguine suo) defēdat à fratre maiore, à superbia, & in domo hæreditatis cœlestis possessorē faciat.

## DIE SABBATHI DE SPONSO.

1. *Quis venit?* SPONSUS, vt *sponsset* (Os. 2. 19. 20.) in iustitia, iudicio, & misericordia, fide, miserationibus, in sēpiternum, quia non vult unquā ab animo recedere. In *iustitia*, quia iustificat: in *iudicio*, quia ab adversitatibus liberat. In *misericordia*, quia donis cœlestibus ditat; in *fide*, quia animam non propter opera, sed propter fidem in  
Chri-

Christum, in gratiam admittit.

2. *Ad quem?* ad animam, quæ ante peccatis patuit, in colle superbiæ sub ligno frondoso, creaturarum amori impuro se tribuendo.

3. *Aliquid?* ut anima compuncta reuertatur, & ad lectum dulcissimæ familiaritatis admittatur. Hier. 3. *Reuertentem suscipiam te.*

---

## POST SACRVM.

**S**ACRO finito, Hymno *Benedicite*, alijsq; orationibus Ecclesiæ recitatis, in locum quietum te recipe, ut, antequam ad ulla negotia te convertas, gratias DEO de hoc cælesti convivio referas, & hic divinus cibus in substantiam tuam convertatur. Certè ingratitude magna esset hoc negligere, & signum vel mortis spiritualis, vel tepiditatis ad mortem disponētis: quia ignem (ait S. Bonavent. Tract. de præparat. ad Miss. c. 14.) posuisti in sinu, & non sentis calorē; mel in ore

ore, & non lentis dulcedinē: & DEUS ingratitude valdè exosam habet.

## GRATIARVM ACTIONES

*Septem pro totidem hebdomada diebus.*

### I. DOMINICA DE REGE

**V**ide Salvatorem in medio cordis  
1. tui tanquam regē potentissimū: te verò tāquam reum & multorū peccatorum conscium astantem, ac veniam, atq; misericordiam petentem.

2. Age gratias de 5. rebus. Primò quod voce tua panem & vinum convertit in corpus & sanguinem. & adfuit in Sacramento, non ut peccata puniret, sed quasi Rex benignissimus tibi propitius esset, 2. Quòd in manibus vilissimi peccatoris se ipsū posuit.

3. Quòd tātā benignitate orationes peccatoris sordentis audivit. 4. Quòd os tuum intravit & in lingua resedit.

5. Quòd in domūcula imparatissima cordis tui habitare constituit.

3. Detestare coram illo omnia peccata.

cata tua in sæculo, in Religione &c. commissa, magnum dolorem concipe, indulgentiam pete.

4. Dilige eum toto corde, ita scilicet, ut desiderio, ac firmo proposito nihil illi cōtrarium velis: nihil quod ad illum actu aut virtute, non tendat ac dirigatur, ita, vt illūm tibi ac reliquis omnibus præponas.

5. Tandem pete à Domino septem dona, similia illis, quæ B. Virgo (ex *Bonau. cap. 3. Medit.*) quotidie petebat. 1. Auxilium efficax, vt præceptū amoris DEI compleas. 2. Vt constanter diligas proximos, & quod DEUS diligit. 3. Quod odio DEUS habet, verissimè oderis. 4. Vt humilitate, castitate, obedientia, contemptu sæculi & uniuerfis virtutibus exorneris. 5. Vt corpus ac mentem, dignum sibi habitaculum efficiat. 6. Vt Post hanc vitam videas oculis carnis. SS. eius humanitatem & B. Virginem; oculis mentis ipsius divinitatem clarè aspicias, atq; in æternum possideas. 7. Vt in hoc templo, & omnibus quæ sunt in toto orbe

orbe, ab universis Sacerdotibus fidelibus, dignam venerationem accipiat.

## FER. II. DE DOMINO.

1. Respice Christum in medio cordis tui ut Dominum, qui pretio sanguinis te redemit, teq; ipsum veluti servum, qui per novum fervorem, ad ipsum vis redire: atq; in omnibus illi placere concupiscis.

2. Age gratias quòd in hoc Sacramēto præsens adfuerit, ut habitaculum cordis regat, & turbam passionū dono mortificationis cōponat. 2. quòd manibus sordescētis ac vilissimi mancipij se tractari permisit. 3. quòd tanta māsuetudine petitiones seras excipit. 4. quòd os tuum intrauit, & in lingua tua resedit. 5. quod Rex regū, quem Cœli non capiunt, in angusto tugurio mancipii sui manere constituit.

3. Desidera, vt ad præsentiā eius Domini tui, tota domus cordis tui quieta & tranquilla sit: ac statue apud te ipsum, te resecturum iudicium, vo-

lun-

luntatem, affectus, ac sensus omnes mortificaturum, & quicquid illi displicet reiecturum.

4. Dilige eum, *ex tota anima*, submit-  
tendo illi vitam, solumq; eam con-  
servando ad obsequium eius, ac diri-  
gendo cogitationes, verba, opera,  
ad eius beneplacitum.

5. Postula illa 7. dona de quibus suprà  
in gratiarū actione ad finē, dictum est.

### FER. III. DE MAGISTRO.

1. Aspice Christum *in medio cordis tui*  
tanquam Magistrum, qui te viam sa-  
lutis docet, & gratiam ad faciendum,  
quod docet, impertit: te vero respice  
quasi *discipulum* eius, qui ob magnam  
negligentiam tuam, nihil, aut valdè  
parum ex doctrina ejus profecisti.

2. Gratias age 1. quòd præsēs adfu-  
it in Sacramento ut tanquā doctor sa-  
pientissimus, viā perfectionis doceat,  
erudiēdo quæ agēda sint, aut omitten-  
da. 2. quòd manibus discipuli pervicacis  
se tractādum præbuit 3. quòd tāta mi-

seri-



sericordia petitiones discipuli doctrinam cœlestem postulantis audivit. 4.

Quod os intravit, & in lingua resedit.

5. Quod magister Angelorum & hominum, in infima classe cordis tui manere constituit, ut te doceat perfectionem, patientiã, zelum animarũ, &c.

3. Erubescere coram eo, quod alienus sis à doctrina, tyro in via perfectionis: & imitatione ejus. Satue te creata omnia intellectu & affectu deserturũ, abscidẽdo inordinatũ amorẽ creaturarũ.

4. Dilige eum *ex tota mente*. 1. Spiritũ ab òmni eo quod displicet mundãdo.

2. animã virtutibus ornãdo 3. memoriã, intellectu, volũtate ei adhærẽdo.

5. Tranquilitatem mentis inquirendo, vt Christus in te habitet.

6. Pete 7. dona, de quibus suprà dictum in prima gratiarum actione.

#### FFR IV. DE AMICO.

1. Respice Christum *in medio cordis tui* ut amicum fidelissimũ, qui te facturam & mancipium suum ad amicitiam suam

suam, & familiaritatem extulit: te verò cogita tanquam *amicum mensæ*, vel potiùs *mercenarium*, qui cùm consolationes recipis, eū diligis; cùm autem ad emendationem flagellaris, in dilectione torpescis.

2. Gratias immensas illi age: *Primò*, quia Sacramento præfens ita fuit, vt te sibi factum per gratiam amicum visitaret, & tecū colloquia *dulciora super mel & favum Psalm 18. 11.* misceret.

2. Quia manibus *amici parum fidelis*, & tepidissimè amantis se & sua bona cōmisi t. 3. quia tam gratis auribus petitiones amici, perseverantiam in amicitia Postulātis, auscultavit 4. quia os tuum intrauit, & in lingua refedit. 5. quia amicus ditissim⁹ in cōclavi amici pauperrimi semper per gratiam suam habitare constituit.

3. Pudorem ac dolorem concipe de nuditate, quia virtutibus nudatus es, ac sordidis vitiorum pānis contact⁹. Desideria uirtutum accende, earum præcipuè, quarū magis indiges, eas instantè pete, & aliquam (prout tempus tu-

lerit ) actibus internis exerce .

4. Dilige Dominum Deum tuum ex *omnibus viribus*: id autem facies, si vires animæ tuæ (memoriam, intellectum, voluntatem ) nec non & sensus ac organa corporis tui, in vnione virium ac sensuum ipsius illi offeras, & eis semper, in obsequiū ip̃iū vti constituas .

5. Pete septem illa dona , de quibus supra dictum est

### FER. V. DE FRATRE.

1. Respice Christum Saluatorem, in *medio cordis tui* , vt fratrem tuum natu maiorem ac *primogenitū in multis fratribus*, qui hostes Patris æterni reconciliauit, & suos fratres effecit: teq; *fratriculum* ejus meritò minimū, aut potius tali nomine prorsus indignum, quia illi es vitā & moribus valdè dissimilis .

2 Gratias immensas illi age, 1. quia in Sacramento præsens adfuit, vt te non inimicum doceret, sed fratrem agnosceret; ac tecum paternā hereditatem

tatem divideret. 2. quia manibus tuis, minimi scilicet fratris se tangendum dedit, vt dum ad eum accedis, *super genna sua tibi blandiatur*, & te prima elementa virtutis docere dignetur. 3. quia tanta benignitate petitiones fratris, moribus dissimilis, & conversationis tempore ipsum tædio afficientis, audiuit. 4. quia os tuum intrauit, & in lingua resedit. 5. quia filius primogenito æterni Patris, in cœlo iam regnans, obscurum cubiculum fratris in exilio manentis non exhorruit, sed in eo habitare sustinuit.

3. Te à tam amantissimo fratre elongatum aduerte, & de tua miseria conquerere eius intimam familiaritatem, per donum orationis ardentem exopta, ac instanter postula, & omnia ad hoc donum consequendum necessaria tibi præstanda esse propone.

4. Dilige eum ex omni virtute tua, quod facies, si omni conatu te omnia mala auersaturum, & bona in præcepto posita & consiliis Evangelicis iniuncta, te perfecturum, efficaciter pro-

ponas & fideliter impleas.

5. Pete 7. quæ supra dicta sunt.

FER. VI. DE PATRE

1. Respice Christum Saluatorem in medio cordis tui, vt Patrem piissimum, qui te in cruce, non deliciis, sed doloribus genuit: teq; vt *Filium prodigū Luc. 15.* ex longa peregrinatione reuertentem, postquam bona de manu Patris accepta in uitiis dilapidasti, & beneficio, bonis, ac misericordiâ eius te indigere cognovisti.

2. Gratias immensas illi age. 1. Quia in sacramento præsens adfuit, vt te filium insanum, ex terra sterilissima, nepe ex te ipso ad illum reuertentē brachiis dilectionis astringeret. 2. Quia manibus filii inobedientissimi, se tractandum & tangendū tradidit. 3. Quia tanta pietate petitiones filii inobedientis ad eum redeuntis, ac veniam postulantis, exaudivit. 4. Quia Pater infinito amore dignissimus, non solum filium nequam, reuertentem in suâ domum recepit; sed in sterquilinio eius

(nem-

(nempe in pectore tuo) manere voluit.

3. Positus coram illo, perfectionem, ac sanctitatem veram, ardentem concupisce, & posce: ut scilicet à peccatis mundus, & omni virtute exornatus illi, intellectu & affectu iugiter adhæreas, & per charitatem perfectam, ab illo & per illum viuas.

4. Dilige eum ex omni fortitudine tuâ, ita scilicet, ut propter illum, vitam (si opus fuerit) & salutem corporis, & diuitias, voluptates ac honores despicias, & sine creaturis viuere assuescas.

Pete 7. ut supra medit.

### SABBATO DE SPONSO.

1. Respice Christum Salvatorem, in medio cordis tui, ut sponsum dulcissimum qui animam tuam, non quia digna erat, adamauit: sed quia voluit, & sic suæ benignitati complacuit, animamque tuam velut sponsam eius, ipsi vinculo statûs clericalis aut religiosi copulatam, & infinitis beneficiis & donis ad amandum illectam.

2. Gratias immensas illi age. 1. Quia Sacramento præsens adfuit, ut te sibi spiritualiter iungeret, & amoris castissimo foueret amplexu. 2. Quia ille qui manibus suis omnia portat, tuis manibus se tangendum, & ore amoris se osculandum obtulit. 3. Quia orationes infidæ sponsæ, eius aspectum & amplexum postulantis audiuit. 4. Quia in sinu tuo tanquam in lecto sibi desideratissimo semper tecum pausare decreuit.

3- Atticere erga gloriam æternam, & coge te ipsum, ut illam feruenter cupias, & ab hoc sæculo misero, emigrare desideres, dicq; illi, tanquam *sponso tuo*: *Cant. 1.6. Indica mihi quem diligit anima mea, ubi pascas, ubi cubes in meridie.*

4. Omnes hodiè affectus amoris collige, diligeq; Deum tuum, orationem aliquantulum prottahens, ex toto corde tuo, ex tota anima tua, ex tota mente tua, & ex omni fortitudine tua, 5. Pete 7. dona ut supra.

#### MONITIO.

**H**æc formula alicui commoda visa est, ad gratias post Missam agendas. Tu

Tu verò siue hoc, siue alio modo gratias agere non pretermittas. Id enim vitium esset ingratitudinis pessimum etiam si exigua recepisses: sed post eximium beneficium susceptū, intolerandum, ac si fieri posset, peius pessimo esse conspicitur. Et ideò fortassis misericordias, quas exoptas, non recipis: quia huic tanto dono tam frequenter suscepto, ingratus existis. Nam ut sapiēter scripsit *S. Bernardus* Sermon. contra vitium ingratitudinis: Multos quoque videmus usque hodiè, satis importunè petentes, quod sibi deesse cognouerint sed paucos admodum novimus, qui dignas super acceptis beneficiis gratias agere videantur. Nec reprehensibile, quod instanter petimus, sed sanè petitioni negat effectum, quòd invenimur ingrati. Et fortè hoc etiam clementia esse videtur, ingratis negare, quod postulant: nè contingat nobis, ut tantò gravius de ingratitudine iudicemur, quantò magis accumulatis beneficiis ingrati probabimur extitisse. Ergò misericordiæ res est, in hac parte, subtra-

he-



here misericordiā, quemadmodū iræ & indignationis, exhibere misericordiam, eam sanè, de qua per prophetā ipse Pater misericordiarum loquitur dicens: Isa. 26 *Misereāmur impio & nō discet facere iustitiam.* Simus ergo huic beneficio grati, & nunquam illud sine sequenti laudum & amoris frequenti exercitio, ac gratiarum actione sumamus, ut fructus, tam accepti æterno Patri sacrificii & tam ditissimi Sacramenti, nos simul cum eo percepisse lætemur.

## ALIA PRÆPARATIO

& Meditationes ante & post Sacrum pro singulis diebus hebdomadæ.

### I. DOMINICA.

*Sic Deus dilexit mundum. ut filium suum vnigenitum daret* Ioa. 3. 16.

1. Sicut olim Deus, ad mundum reparandum, ut vnigenitum suū largiretur, elegit B. Virginem, tanquā instrumētum, in qua Dei filius conciperetur, ita nunc summum eidē mundo amorem ostensurus, eundem filiū, quo alatur, ac sustentetur tribuit: Te

ve-

verò, tanquam instrumento ad hoc ipsum utitur, dum panem & vinum in Sanctiss. Missæ sacrificio consecras.

2. Eleva itaq; te, & considera attentio  
Quis sit qui donet, nempe summus, æternus, & infinitus Deus, summè bonus, sapiens, ac potens, qui ex seipso, sine vlla alia creatura beatus est: cuius amor, non in verbis, sed in re ipsa consistit, bonumq; tantò pluri faciendum est, quantò maiori illud amore elargitur.

3. Confid. quid donet? scilicet *dilectissimum & pretiosissimum*, quod habet, v-nigenitum suum, verum Deum & verum hominem, qui qua Deus, æquè infinitus, potens ac sapiens, atq; ipse Pater est: qua homo, habet omnes thesauros sapientiæ ac charitatis Dei, venit ad nos velo panis & vini tectus: quia aliàs mundus splendorem eius infinitum ferre non posset.

4. Confid. Cui det? Toti mundo, non tantum Principibus, Prælatibus &c. sed Christianis omnibus, inter quos non pauci valde sunt abjecti, peccatores &c. ut eo omnes nutriantur, & gra-

tijs eius, quas in Communionem concedit, roborentur.

5. Per quod medium? Per Sacerdotem, quia in eius voluntate hanc potestatem stavit, quodcumque ille quisquis fuerit, panem & vinum consecravit. Quare dignum est ut summo cum honore & humilitate accedat.

## II. DIE LVNÆ

Rom. 8. *Qui proprio filio non pepercit. sed pro nobis omnibus tradidit illum, quomodo non omnia cum ipso donaret?*

1. Confid. Liberalitatem Æterni Patris, qui omnia in tuum commodum creavit, quia omnia: 1. Corinth. 3. *vestra sunt, siue presentia siue futura.* Cuius charitas etiam unigenitum, quem sibi æqualem in æternitate genuit, tibi donat, non tantum, ut semel mortuus redimeret, sed quotidie oblatus vitam repararet.

2. Confid. Quid? unum cum hoc dono omnia pariter tibi tradit, titulum scilicet, quo omnia obtineas. Hinc dat Angelos, qui te custodiant ac juvent:  
 dat

dat gratias & virtutes, quibus exornaris & sanctificeris: dat merita. & satisfactiones filij vt tuas suppleas: dat tēporalia, quibus profunt: dat æterna, vt spe, ea obtinendi, lætificeris: dat se ipsum: supremum bonum vt eum hic contempleris, & in beatitudine, ipso per claram visionem fruaris. In horum omnium pignus, dat vnigenitū his speciebus tectum, vt satieris. Imò dat eūdem, in oblationem quam quotidie offeras, & per eam, quæcunque petieris, obtineas. Et nè timeas repulsam, quia tu licet Sacerdos non satis dignus es, ipsemet Vnigenitus est *Sacerdos simul & hostia*: vt petat, & exaudiatur pro te. Ergò & tu vide, vt talem patrem ames, eiq; confidas, pro tali filio vitæ & animæ tuæ non parcas, sed eius obsequio te ac res tuas omnes consecra, ut hanc tui ipsius oblationē suscipere non dedignetur.

### III. DIE MARTIS

*Ioan. 10. Ego sum Pastor bonus. Bonus Pastor dat animam suam pro ouibus suis.*

Quoniam Marci 10. dicitur : *Nemo est bonus, nisi solus Deus.*

1. Confid. Christum Pastorem esse verum Deum, bonum per essentiam, imò & bonitatem infinitam, atq; omnis boni fontem. Hinc cum bonum sit obiectum amoris, infinito amore dignus est, quo eum merito, si tantum posses, amare deberes.

2. Confid. In quò sit Pastor bonus? quia scilicet facit omnia, quæ pastor bonus facere potest, pro ovibus suis. Descendit de cælo, ut eas redimeret: vitam exposuit, ut illæ viuerent, sanguinem fudit, ut hoc velut lytro liberarentur, nec his contentus, quotidie de cælo descendit, ut eas corpore & sanguine pascat ac satiet. Nec sibi quicquam quærit, sed ouibus omnia.

3. Confid. Per quem tradit? nè pastus hic in terra de esset, curam eius deferendi tibi commisit: ut pro te, atque omnibus ovibus hunc panem dulcissimum, *per consecrationem*, præsentem facias.

4. Confid. Pro quo? Oves offerri solent

sent, ceu sacrificium in omnium commodum : at hic ipsemet pastor seipsū in commodum, imò in cibum ac potum ovium suarum offert. Quare dignum est vt tu etiam simile præstes- atq; ad eius gloriam te ipsum in sacrificium ei offeras, jugulans in te, quicquid ei adversatur.

#### *IV. DIE MERCVRII.*

*Ioan. 15. Ego sum vitis, vos palmites : qui manet in me, & ego in eo, hic feret fructum multum.*

1. Confid. Quod Christus, Deus, & homo, sit *vitis*, ex qua esse, & virtutē omnem accipiunt homines, qui sunt palmites modò ipsi uniti sint. At quomodò fiet unitio, si vitis in cœlo sit & palmites in terra? Deus potest hoc præstare, res valdè distantes uniendo inter se, etiam si neutra locum deferat. Itaq; vitis ( licet in cœlo manens ) tecta accidentibus, in domum iusti, tanquam veri palmitis descendit, ut vel per âmorem uiuiatur.

2. Con-

2. Confid. Quo fructu fit hæc coniunctio? eo scilicet, ut talis sit palmes, qualis vitis, quæ in illum influit, ac fructus proferat tali vitæ dignos, nempe fructus charitatis, misericordiæ, temperantiæ, castitatis, obedientiæ, patientiæ, similes illis, qui fuerunt fructus Christi, qui se dat in cibum & potum tuum, ut ei assimileris: quia communiter tales in hominibus humores generantur, quales fuerint cibi, quibus nutriuntur. Ej itaq; coniungaris, nè ab eo seperatus, ad omnia inutilis fias, præterquam ad ignem, ut in æternum ardeas.

3. Confid. Sacerdotes ipsi sunt divinæ huius unionis instrumēta, dum verbis consecrāt vitam illam præsentem, faciunt, & cū eam hominibus porrigunt, tanquam palmitibus coniungunt, sicut ipse Dominus dixit Ioan 6, *Qui manducat meam carnem, in me manet & ego in eo: manet in me, & viuet propter me, sicut palmes vivit, ac suo tempore virefcit, fructus fert, &c. quamdiū viti coniungitur.*

## V. DIE IOVIS

Ioan. 14. *Ego sum via, veritas, & vita.*

1. Considera Quòd Christus sit *Via* salutis & perfectionis, per quem ad Patrem coelestem eundum est. Per hunc enim solum illi placebis, gratiamq; in oculis eius invenies. *Via*, per quam ad vitam pervenies, & ad præmium in hac vita peregrinantibus per fidem promissum. *Via*, per quam ad sanctitatis culmen, & contemplationis montem ascenditur. Per eã enim vera humilitas, obedientia, patientia, aliarumq; virtutũ perfectio obtinetur, imò communũ necessitatum tam corporalium, quàm spiritualium remedium, necnon priorum omnium desideriorum complementum, partim per oblationẽ huius sacrificij, partim sumptionem ipsam. *Surge* itaq; & *manduca* viaticum, ut cum Helia. 3. Reg. 19. ad montem Dei *pervenias*.

2. Confid. Idem Christus est *Veritas* quam omnia sacrificia, ac ceremoniæ  
vete-



veteris legis significabant. In eo verã sanctitatem, quam vetera illa innuebant quidem, sed non largiebantur *Veritas*, in qua ueritates omnes, quas fide credere opus est, summariè continentur; idemq; hoc Sacramentum per excellentiam dicitur *Mysterium fidei*, quia in eo creditur Filij Dei Diuinitas Omnipotentia, Maiestas infinita, imò & processio à Patre, Incarnatio, Passio ac mors ipsa cum fructibus suis. Excita itaq; fidem tuam, quia eum hic præsentem habes, qui nec fallere potest, nec ea quæ promisit, prætermittet, est deniq; *Veritas* cui conformari debent, quicunq; vivunt, & in Veritate agunt sine ulla fraude ac fictione. Huic Veritati te cõforma & nõ aberrabis.

3. Confid. Quòd sit *Vita*, sine qua, quicquid est, mors est. Est *Vita* animæ tuæ, ideoq; in hoc Sacramento est, ut qui eum sumpserit *Vitam gratiæ*, eamq; copiosam accipiat. *Vita* etiam, quia ipse est *resurrectio & vita*. Et quamvis hic semel moriaris ille tamen te gloriosum suscitabit. Est *Vita beata*, quia  
qui

qui manducat hunc cibum, *viuet in æternum*, & suo tempore suscitabitur, vt cum Christo in æternum regnet, *Vita*, cui debes vitam tuam conformare, vt cum Apostolo Gal. 2. dicas: *Vivo ego, iam non ego, vivit autem in me Christus*. Deniq; est *Vita*: quam omni studio quærere debes in præmium omnium laborum tuorum, vt eum videas, ames, eoq; fruaris in æternum.

## VI. DIE VENERIS.

Ioan. 9. *Quandiu in mundo sum, lux sum mundi.*

1. Verba sunt Salvatoris prolata in sanatione cæci nati, quem curavit expuens in terram, & facto luto, linxit super oculos eius. In quo miraculo significabatur unio Personæ Verbi divini cum natura humana, per quam unionem Lux spiritalis cæcis concessa est. Id ipsum præstat adhuc hodiè in hoc Sacramento, in quo Verbum Incarnatū cum accidentibus terrenæ substantiæ coniunctum, lucem se recipientibus

• con-

confert. Itaq; animo perlustrares omnia loca, in quibus fuit, inuenies eum verè fuisse lucem mundi, cùm enim in Bethleem nasceretur, claritas Dei circumfulsit pastores. In Epiphania, Reges quidem exterius per stellam, sed multò clariùs per se ipsum interiùs collustravit. In Purificatione ita Simone sanctissimo seni illuxit, vt eum Lumen ad revelationem gentium appellaret, & de initio prædicationis ait Isaias cap. 9. *Sedentibus in regione umbræ mortus, lux orta est eis*, qui toto vitæ ipsius tempore perseveravit, donec in cruce expiraret, nè tenebræ fierent *super terram a sexta usq; ad nonam*. quia scilicet Christus *Lux mundi*, indè descendit ad limbum Patrum, in inferiores partes terræ, ut locum illum tenebrosum illustraret, quin & cœlū ipsum Empyreum novam ex eius ascensione *lucem* accepit, de qua dicitur Apoc. 2. *Claritas Dei illuminat illam, & lucerna eius est Agnus*.

2. Confid. Nè Christo hinc abeunte perpetuæ tenebræ mundū occuparēt;

Sapi-

Sapientia Divina modum invenit, quo idē ille, qui cœlum illuminat, mundum etiam inferiorem ( inde tamen non penitùs descendendo ) præsens licet velo accidentium tectus, collustraret, adeò, ut intra communicantis viscera receptus, eum ita illuminet, vt in paradisum eum convertat.

3. Confid. Quos effectus hic Sol in anima efficiat? Implet enim illam divinarum inspirationum *splendore*, quo fidei lumen ampliùs illustratur, gratiæ fulgor augetur, ignis charitatis accenditur, & virtutum omnium affectus exstimulantur, vt potentiæ omnes opera sua, cū lætitia sicut ad solis præsentiam in hoc mūdo visibili accidit, exequantur.

Quare accede & tu ad Deum vt illumineris, & facies tuā non confundatur.

## VII. SABBATHO.

Mat. 2. Ecce sponsus venit exite obviam ei.

1. Confid. Quis sit Sponsus? cuius nomen reticetur, quia est ineffabile, & admiri-

admirabile, ipsum scilicet *Verbum divinum*, quod in thalamum Virginis venit, ut nuptias cum humana natura celebraret, coniungens eam secum in unitate personæ. Idem ille nunc è cælo descendit panis accidētibus tectus, ut in thalamo cordis tui, animam tuā sibi desponset: at quis quantusq; est? Filius Æterni Patris, & splendor gloriæ ejus, quo nemo pulchrior, ditior, potentior, in quo repositi sunt omnes thesauri infinitarum divitiarum. Et quamvis tectus ad te veniat, intus autem totam maiestatem, & amplitudinem secum defert, & cum eadem gloria est in cælo, & in hoc Sacramento.

2. Confid, *Quæ sponsa?* anima tuā, quæ quantum ille pulchritudinis, tantum habet deformitatis, quæ tot peccatis fædata est, neq; fidem illi hactenus servavit: & tamen tam bonus ille, ac benignus est; ut non tantum parcat adulteræ, sed iterum ad eam redeat amicitiam denuò cum illa, si velit, initurus, dicens Hier: Cap, 3. *Revertere ad me & suscipiam te.*

3. Con-

3. Confid. Qualis sit hæc *coniunctio*? maior quam in alijs nuptijs, quia ibi coniuges fiunt una caro, hic fiunt vnus Spiritus. Vnus, 1. propter unionem charitatis. 2. propter conformitatem voluntatum. 3. propter similitudinem in actionibus. 4. vnus in rebus omnibus quæ ad alterum spectant, quia uterq; eas accipit tanquam proprias.

4. Confid. qui sint *affectus*? amicitia intima, familiaritas maxima, in oratione, in delitiis contemplationis, fiducia ingens in petendo, efficacitas in impetrando, solida rerum temporalium renuntiatio, in solis æternis quærendis voluptas, lætitia in aduersitatibus, in alijs iuvandis zelus. Imò vt vno verbo dicatur, Coniuges, sunt, habent bona communia, Anima habet sponsum Deum: quomodò non etiam omnia cum ipso habebit? attende, iam sponsus te accedit, orna te virtutibus, vt ei obviam procedas, neq; ab ipso reiiciaris, tanquam ea, quæ *neq; oleum in lampade habeat, neq; vestem nuptialem vt admittatur ad nuptias, nec*  
*eici-*

*excipiat foras, ligatus manibus & pedibus in tenebras exteriores.*

---

## ALIÆ MEDITATIONES

*de 7. Virtutibus*

**C**ELSISSIMUM hoc Sacramentum est, simul & *Memoriale* (Psal. 120. 4.) *mirabilium Dei*, & summa quædā mysteriorum fidei nostræ, ideoq; sufficeret ad meditationes totius peregrinationis nostræ. Quia Deus, uti nobis hic animæ alimentum dedit, ita etiam aliam tribuit refectionem pro intellectu, ut euolvat, & explicet tot mysteria abdita, quæ in hoc uno continentur. Ac de utroq; intelligi potest illud Ecclesiastici Cap. 15. *Cibavit illum p. ne vite*, in ipsa communione, & *intellectus* in meditatione, & *aqua Sapientiae salutaris* potavit illum in manifestatione supremorum mysteriorum, quæ in hoc vno Sacramento continentur. Et quidem summam aliquam horum posuit in 7. Virtutibus heroicis, quas hic exercet, & sunt.

1. *Humilitas*, quâ suam amplitudinem & splendorem tegens, eò se demittit, ut fiat cibus hominum.

2. *Obedientia*, cùm ad ipsa verba consecrationis, venit é cælo ad Sacramentum, in quo finit seipsum, hinc indè portari pro voluntate hominum.

3. *Misericordia*, faciens seipsum, medicum & medicamentum pro nostris infirmitatibus & personaliter ad eas reparandas descendēs.

4. *Liberalitas*, cùm benedictiones suas, spirituales, largâ & profusâ manu per hoc mysterium nobis largitur, dans se, & omnia simul.

5. *Charitas*, cùm vult esse semper nobiscum, & quidem omnibus unicus per maximam unionem, quæ mortalis huius vitæ statui conveniat.

6. *Patientia*, cùm iniurias tolerat & contēptu, quos patitur quotidie in hoc Sacramēto ab ijs, qui indignè illud tractāt, tam hæreticis, quā peccatoribus.

7. *Perseverantia*, in rebus omnibus, usq; ad finem mundi, & in singulis Hostijs, quamdiù Sacramentales species perdurant.

ALIÆ



## ALIAE PRO VARIIS

*Anni temporibus*

**Q**uemadmodum Ecclesia Catholica sciens varietatē exercitiorum fovere tollere tædium eorum, voluit infirmitati nostræ sese accommodare, diuidens annum in diversa tempora, *Adventus* scilicet, *Quadragesimæ*, *Paschatis*, &c. atq; assignare singulis diversa officia, tam in sacro ipso, quàm in septem horis Canonicis: ut hæc varietas novitate, quam secum affert deuotionem foueat. Propter eandem causam accommodando nos spirituali Ecclesiæ, decet ut meditationes varias diversis anni temporibus accommodatas, assumamus, pūcta indicādo quæ fusiùs in opere meditationum explicantur.

## TEMPORE ADVENTVS.

Prima pars anni Ecclesiastici est *Aduentus*, in quo Ecclesia agit de præparatione ad Nativitatē. Hæc meditationi pro hoc tēpore usui esse poterunt.

I. DO-

## I. DOMINICA.

De Adventu Dei Iudicis ad  
Adamum.

1. Confid. Quomodo Adamus in paradiso peccauerit comedendo pomum sibi à Deo prohibitum.

2. Confid. Quomodo Deus, peccato admissio venerit, vt eum paradiso excluderet, & mortis sententiam, quam erat meritis intimaret,

3. Confid. Mox officio Iudicis in paternum amorem commutato, cum iratus esset, misericordiæ recordatus est, promittens Adamo *Mediatorem* & *Redemptorem*, revelato Sacrosanctæ Incarnationis mysterio, ad eius miseras releandas.

4. Confid. Quantum Adamus hac promissione consolatus fuerit gratumq; animum ostenderit, pro tam excelso beneficio, glorificando Deum ita benignum, ut infinitos fauores, & gratias promitteret ei, qui æterna tormenta se promeritum agnoscebat.

Atq; hinc toto vitæ tempore vix cum

D

suum.

summo desiderio videndi Salvatorē,  
per quem tanta beneficia se acceptu-  
rum sperabat.

*Applicatio.* Hic idem *Salvator*, in  
hoc Sanctissimo Sacramento ad te ve-  
nit, vt te visitet. Et quamvis pecca-  
ta tua digna erant, quibus se iudicem  
seuerum exhiberet, eaq; puniret; non  
tamen ea ratione jam venit; sed sicut  
*Pater* misericors, vt hoc divino cibo,  
tibi indulgeat, quia panis est vitæ de-  
stinatus ad reparanda damna quæ in-  
tulit alterius cibi sumptio. Per hunc  
siquidem liberaberis à morte, restitu-  
eris paradiso gloriæ & vitæ æternæ,  
Et propterea hic panis divinus signi-  
ficatus fuit, per fructum *arboris vitæ*,  
quæ erat in medio paradisi.

## I. I. D I E L V N Æ

*De SS. Patrum desiderijs.*

1. *Confid.* Patres antiqui illustriores  
habebant notitiam *Auentus Salva-*  
*toris* in Mundum, quem orationibus,  
sacri-

sacrificijs, alijsq; sanctis actionibus sepe sollicitabant dicentes: Psalm. 84. *Ope[n]de nobis Domine misericordiam tuam: & salutare tuum da nobis.* Ita Psal. 150. *Visita nos in salutari tuo . Veni Domine & noli tardare, relaxa facinora plebi tue:*

2. Confid. Iidem Sancti, cùm in vita sua huius desiderii compotes non fierent, etiam post mortem idipsum in ipsis permansit, in obscuro illo limbi carcere, ubi petentes promissum sibi reparatorem, clamabant dicentes Isa 45. 8. *Rorate cœli de super, & nubes pluant iustum; operiatur terra, & germinet Salvatorem.*

3. Confid. Ita perseverarunt per aliquot annorum millia, in eodem desiderio, semper petentes & clamantes ad Deum, donec tandem venit fœlix illud tempus, quo hoc mysterium fuit expletum, tempus inquam, quo nos fruimur.

*Applicatio.* Longè feliciores nos sumus, ad quos *Saluator noster* quotidie venit è cœlo descendens ad visitandos

habitatores terræ, vt immensis donis ac beneficiis cumulet eos, qui feruenter eius Advētum Spiritualem in animas suas expectant, expetunt, atq; ad illum dignè se præparant. Proindè iure optimo nobis dici potest. Luc. 10. *Beati qui uident, quæ vos videtis.*

### III. DIE MARTIS.

#### *De colloquio Angeli & B. Virginis*

1. Confid. Quantum sit beneficium & quanta dignitas, quòd Angelus Gabriel à Deo missus est ad B. Virginem Legatus, vt supremam dignitatem ( vt esset *Mâter Dei* ) nuntiaret.

2. Confid. Quantâ reverentiâ illam salutaverit, dicens: *Aue gratia plena Dominus tecum?* Et stupefactæ, ait: *Nè timeas Maria, quoniam invenisti gratiam apud Deum:* adhuc dubitanti de modo addit; *Spiritus Sanctus superueniet in te.*

3. Confid. Quomodò B. Virgo magnâ humilitate, obedientiâ ac fiduciâ, dixerit: *Ecce Ancilla,* *Appli-*

*Applicatio.* Eodem modo divina inspiratio, seu bonus Spiritus, venit ad animam puram pij Sacerdotis, & ad cōmunionem se pręparātis; dicens, *Aue* anima pia, quę iuxta capacitātē tuam es *gratia plena*, Propter quam & *Dominus tecum* est, & nunc recens ad te venire vult, vt maneat apud te. Si autem ex tantę maiestatis consideratione pusillanimis fias, addit: *Ne timeas* quia *in venisti gratiam apud Deum* qui te ministrum elegit, ad hoc diuinum sacrificium offerendum, optatq; intra cor tuum, sibi hospitium collocare. Si de modo tanti mysterii dubitas, ait: *Spiritus sanctus superueniet in te* &c. Spiritus ille, qui te implevit, cūm Sacerdos factus es: ille nunc in te etiam superueniet, vt in hoc mysterio ritē pręstando te adiuuet, & virtus Altissimi gratiā suā te protegens, ita obumbrabit, ut cum puritate ipsū, hospitio suscipias. Itaq; excitare & tu pariter dicens: Ecce seruus Domini indignus qui eius Sacerdos sim, *Fiat in me & per me*, juxta verbum eius,

Ipse potens est facere, quod dicit,  
 ut cum S. Augustino dicas: *Domine,*  
*da quod iubes, & iube quod vis.*

#### IV. DIE MERCVRII.

##### *De Mystério Incarnationis.*

1. Confid. Quòd Filius Dei hoc My-  
 stério optimè contentus fuerit. 1. Quia  
 videbat se implèsse id, quod homini-  
 bus promiserat, ad eorù reparationē.

2. Quod Patrem cœlestem glorificas-  
 set, à quò in mundum missus erat, atq;  
 ita obtulit se Patri æterno, ad paren-  
 dum ei in omnibus usq; ad mortem.

3. Confid. Quod idem Filius, magno  
 amore animam & corpus sacratissimū  
 complexus sit, cum certo animi decre-  
 to nunquam deferendi, quod semel  
 accepit. Itaq; & animam in illo pri-  
 mo instanti innumeris bonis replevit:  
 & corpori postquam mortem pro hu-  
 mano genere obiisset, maxima bona  
 promisit

4. Confid. Quomodo Sanctissima Pa-  
 rens

rens exemplo filij, admodum contēta fieret, videns iam ex parte impletum totius generis humani, ac suū etiam desiderium de hoc SS. mysterio futuro conceptum; maximè cū videret se tot donis ac favoribus, ex Dei præsētia (quem intra sua viscera gerebat) impletam esse.

*Applicatio.* Eodem modo idem Dei Filius, infinito amore motus, ad te in sacra Communionē ingreditur tanquā cibus tuus spiritualis, vt te quā tenerimè complectatur, tibiq; intimè vnīatur, animo nunquā te deserendi (nisi tu ipse illum prius reiicias) ad desideria cordis tui implenda, mira cœlestium donorum suauitate. Itaq; excitabis in anima, vehemens perfectæ Iustitiæ desiderium, vt, juxta illud Christi promissum Math. 5. *Beati qui esuriunt & sitiunt iustitiam; quoniam ipsi saturabuntur*, tu hic in exilio quoad licet, & ibi in gratia, aliquandō perfectè ad eius gloriam perfruaris.



## V. DIE IOVIS.

De S. Ioannis Visitatione & Sanctificatione.

1. Confid. Quomodò Saluator, nè in vtero Matris latens esset otiosus, coepit statim opus redemptionis in S. Ioannem exercere, communicando ei insigne beneficium, idq; duplex, 1. gratiam sanctificationis cum charitate, & reliquis virtutibus infusis. . Gratiam actualis devotionis, cum dono contemplationis, lætitiâ spirituali ac mentis iubilo.

*Applicatio.* Idem Dominus nunc in SS. Sacramento latens ad te venit, vt easdem gratias tibi largiatur, modò te dignè præpares, quâ secundum internam dispositionem tuam, earum particeps fias.

2. Confid. Quales affectus in vtriusq; Pueri Matre fuerint, 1. in Elizabetha affectus humilitatis & admirationis, cum diceret: *Vnde hoc mihi, vt veniat Mater Domini mei ad me?* 2. Affectus laudis & gratitudinis in SS. Deipara, cum

cùm dixit: *Magnificat anima mea Dominum &c.*

*Applicatio.* His duobus affectibus disponetur item anima ad duas prædictas gratias in SS. Communionem recipiendas.

## VI. DIE VENERIS

### *De dubitatione S. Ioseph.*

1. *Confid.* Quomodo S. Iosephus, videns Sanctissimam Deiparam uterum gestare, ab ea se subtrahere voluerit, donec Angelus à Deo missus, consolâs eum, monuerit, ut Coniugem acciperet: cō quòd hoc totum à Deo esset.

2. *Confid.* Quâ humilitate, reverentiâ, stupore S. Iosephus B. Virginem aspiceret, tanquam vivi Dei templum. Item quo amore ac diligentia eidem exinde servierit propter Deum ac Dominum suum, quem in ea latentem agnoscebat. Et vicissim quam incensâ charitate ac cœlesti gratiâ, SS. Deipara cum Iosepho Sponso loquebatur.

Ds.

eum

cum de arcano Divinæ Incarnationis Myſterio erudiens, Sic hi duo *Sera phin*, ſe ſe invicem ad Deum laudandum, eiꝰ ſummo fervore ſerviendum accendebant.

*Applicatio.* Simile quid tibi aliquando accidit, quando ob exiguam tuam fidem. pietatem, &c. à SS. Cōmunione te ſubtrahis, donec cœleſti aliquâ inſpiratione erectus vivaciori fide, humilitate ac fervore denuò recipias, & effectus velut alter Ioseph .i. CRESCĒS, donorum cœleſtium augmentū, cum in ſigni huius S. Myſterij notitia accipias, ac tum etiam incenſa cum ipſo Domino colloquia ac gratiarum actiones uſurpare debeas.

## VII. SABBATHO.

*De itinere ex Nazareth in Bethlehem.*

1. Conſid. Quomodo Chriſtus relictâ Hieruſalem hanc civitatulam elegerit, ut ibidem nasceretur, ac ſeipſum mundo manifeſtaret.

2. Con-

2. *Confid.* Quantū honorem hæc vrbecula, ex Christi Nativitate acceperit, vt ad eā Angeli, Reges, &c. paulò post accesserint, ac plurimi etiā Christiani eodē postea peregrinati fuerint, vt ex S. Hieró: & aliis historicis patet.

*Applicatio.* Simili modo dignatur idem Dominus, etiamnum venire è Cælo, atq; ingredi in pectus vilissimi homuncionis, atq; ita, illud nobilitat, efficitquè alteram *Bethlesem*, *Domum panis*, pane vitæ cor tuum roborans, ac desideria pia exsatiens.

---

## ALIA MEDITATIO

*à Nativitate ad Septuagesimam.*

**H**Oc est secundum anni Ecclesiastici tempus, in quo Ecclesia 7. Salvatoris Myſteria celebrat, quæ in Miſſa renouātur. His ergo meditandis te te ipsum variè excitare poteris.

### I. DOMINICA

*De Ipsa Christi Nativitate.*

1. Confid. Quomodo Deus 'Supremus, cum seipsum mundo, vti toties promiserat, manifestare vellet, elegerit pauperibus pāniculis involvi, atq; in præsepio, animalium mēsa reclinari.

2. Confid. Quomodo Angeli è cœlis magno numero prodeuntē Dominum suum laudibus ac cāticis celebrārint, eiusq; ortum Pastoribus nuntiarint.

*Applicatio*  Pari modo, nunc quotidie in Missa Christus Dominus manifestat seipsum tectus atq; inuolutus accidentibus panis & vini : atq; ita in sacra altaris mensa reponitur, tãquam esca hominum futurus. Sed Angeli (inuisibiliter licet) eidem assistent, ac fidem charitatemq; celebrantium excitant, de quo Ecclesia in Præfatione canit:  *Vt dum visibiliter Deum cognoscimus, per hunc invisibilem amorem rapiamur .*

## II. DIE LVNÆ.

### *De Circumcisione.*

1. Quomodo. Christus post  
Nati-

Nativitatem non diù distulerit incipere mysterium salutis nostræ, suscepro Sacratissimo IESV nomine, quod Salvatore[m] significat.

2. *Confid.* Quomodo, nè gratis officij sui possessionem adiret, primitias pretiosissimi sui sanguinis effuderit, præbens exemplum raræ humilitatis, patientiæ, obedientiæ & charitatis.

*Applicatio.* Non absimili modo in Missa præstat etiamnum IESV, sive Salvatoris officium erga fideles, applicans unicuiquè pretiosi sanguinis sui pretium, præbens exemplum raræ *humilitatis*, cum figuram adeò humilem suscipit, *patientiæ*, (in tolerandis injuriis, quæ sæpè in hoc Sacramento inferuntur) *obedientiæ* (dum quotiescūq; panis à Sacerdote cōsecratur præsens adest) & *charitatis*, cum adeò profusè sese omnibus communicat.

### III. DIE MARTIS

*De Epiphania.*

1. *Confid.* Quomodo Saluator, licet adhuc

adhuc infantulus, ac in præsepio jaccens, ostenderit omnipotentiam suā ac gratiæ cœlestis efficacitatem, quā ex Oriente deduxit tres illos Reges, cum tanto fervore, ut se coram illo prosternerent & offerrent *aurum* tanquam Deo, *myrrham* tanquam homini mortali: & *thurs* tanquam summo Sacerdoti..

Confid. Quantā lætitiā SS. illi viri affecti sint. 1. videntes stellam, quæ ipsos deduceret. . videntes puerum quem à Spiritu S. edocti, verum Regem agnoscerent. 3. audientes vocem Angeli monentis, ut aliā viā in Patriam redirent:

*Appl. licatio:* In Missæ iisdem sacrificio, suam omnipotentiam multis ostēdit, efficitq; ut omnes fideles, ac præcipuè Sacerdotes se coram illo prosternant agnoscantq; sub parva hostia latentē verum Deum & hominem, simulque summum Sacerdotem Psal. 109. *Secundum ordinem Melchiselech*. Hinc etiam ex hac notitia offerunt ei tres ferventes affectus: amoris, mortificationis &

nis, & orationis, expectantes ab im-  
mensa eius liberalitate, ingentem re-  
tributionē ac cœlestes inspirationes,  
quibus viam intelligant, quā ad Pa-  
triam cœlestem per peccatum amissā  
revertantur.

IV. DIE MERCVRII.  
*De Præsentatione in Templo.*

1. Confid. Quomodò Christus deside-  
ratus omnibus, sese Patri Æterno ob-  
tulerit. 1. in gratiarum actionem ob-  
collata mundo beneficia. 2. ad placan-  
dam iustissimam ipsius iram. 3. ad con-  
sequendam pro omnibus copiosam  
misericordiam.

2. Confid. Quomodò idem Dominus  
S. Simeoni seni, & Annæ Prophetissæ  
(qui magno eius vidēdi desiderio te-  
nebātur) sese manifestaverit, tribuens  
eis gratiam, non tantum vt cum læti-  
tia agnoscerent, sed etiam aliis præ-  
dicarent.

*Applicatio.* In Missa pariter, idem  
Dominus quotidie se offert Patri Cœ-  
lesti



Iestí. Heb. 9. *Vt appareat vultui Dei pro nobis*, ad eosdem fines supradictos, nobisq; præcipuè Sacerdotibus, præbēs lumen, ut agnoscāt & benè viuāt.

V. DIE IOVIS  
*De fuga in Ægyptum*

1. Confid. Quomodo supremus Dominus, *tectus nube candida* suæ humanitatis, vt prædixit Isa. c. 19. 1. suscepit longum iter ex Nazareth, vt *ingreleretur Ægyptum*, ibiq; tunc *commota sunt simulacra in Ægypto &c.*

1. Confid. Quomodo idem Dominus cum suis parentibus, in terra illa sterili posuerit semina perfectæ sanctitatis, quæ postmodum excreuerunt, ac fructum copiosum tulerunt in tot myriadibus Anachoretarum, qui ibidem sanctissimè vixerunt.

*Applicatio.* Et nunc etiam in Missa idem Dominus longum iter suscipit è cœlo in terram (quamvis tamen cœlum non deferat) tegens seipsum accidentibus panis & vini, ut in cordibus nostris;

nostris vitia penitus destruatur & perfectionis Evangelicæ ( quæ in Ecclesia semper floruit ) semen iaciatur .

**VI. DIE VENERIS**  
*De Inventione inter Doctores*

1. Confid. Quomodo Christus Dominus ipsa Sapientia Æterna in contemptibili illa Pueri ætatula delitescens , magna cum humilitate, modestia, ac sapientia, in medio Doctorum responsis ac interrogationibus aptissimis admirationem moveat.

2. Confid. Quomodo idem Dominus post triduum in templo, à Parentibus mœrore oppressis invēto, cum ipsdē summa humilitate atq; obedientiâ descenderit in Nazareth.

*Applicatio.* Sic nunc in SS. Eucharistia, dignatur ingredi in corda fideiū, tanquam Magister Magistrorum, & Doctor Doctorum: docens legem perfectionis cum summa admiratione audientium verba, quæ internè illis loquitur: & qui illum ibi cum lachrymis  
quæsi-

quæſierit, inueniet eum, ſecumq; de-  
ducet domum, vt habeat comitem ſuæ  
peregrinationis in hac miſera vita.

## VII. SABBATHO

### *De Baptiſmo Chriſti*

1. Conſid. Quomodo *Agnus Dei* Ioan.  
1. puriſſimus, venerit ad Ioannem hu-  
manitate teſtus, & tanquam peccator  
aqua perſuſus ſit.

2. Conſid. Quomodo cæli ſtatim a-  
perti ſint, & Spiritu S. in columbæ  
ſpecie deſcendente; vox Patris audi-  
ta eſt. Math. 3. *Hic eſt Filius meus  
dilectus, in quo mihi bene complacui.*

*Applicatio.* Non aliter nunc in Miſſa,  
Chriſto ſpeciebus panis ac vini teſto,  
atq; ad nos deſcendente aperiuntur  
cæli, vt donâ cœleſtia in nos eifun-  
dantur ac Pater cœleſtis illuſtrationis  
ſuæ voce teſtatur. hunc eſſe filiū uni-  
genitum propter quem alii adoptiui  
diliguntur.

*Pro tribus septimanis à Septuagesimâ  
ad Quinquagesimam.*

**P**Oterunt hoc tempore considerari  
7. convivia Christi, quibus repræ-  
sentantur ea, quæ in hoc cœlesti con-  
vivio peraguntur.

**I. DIE DOMINICO**

*De nuptijs in Cana Galilææ:*

1. Confid. Quomodo Christus invi-  
tatus ad nuptias ab hominibus tenuio-  
ribus, venire non recusaverit, ut illis  
benefaceret.

2. Confid. Quomodo vino deficiente  
jusserit hydrias 6. impleri aquâ, quam  
ipse in vinum valdè præstans conuer-  
tit, ut defectum quo laborabant con-  
vivæ suppleret, & ipsis aliquid læti-  
tiæ conferret.

*Applicatio.* Simile quid in hoc cœ-  
lesti spiritualium nuptiarum convivio  
geritur, in quo Sacerdos infundit in  
calicē

calicē vinum aquā mistum,, quod ipse Dominus vnā cum Sacerdote convertit in suum sanguinem pretiosissimum, vt hac ratione, fidelibus indulgeat, eosq; confortet, ac ferventis amoris vino inberiet.

## II. DIE LVNÆ

*De convivio apud Phariseorū Principem*

1. Confid. Quomodo Christus a Principe quodam Phariseorum invitatus, præclaræ tradiderit convivis humilitatis documenta, adeò vt vnus ex illis diceret. Luc. 15. *Beatus qui manducabit panem in Regno Domini.*

2. Confid. Quomodo Christus ( vt huic respondeat ) afert parabolam hominis, qui multos invitârat ad nuptias, sed ijs sese excusantibus ( 1. ob villam . 2. iuga boum. 3. vxorem ductam. alios invitavit, & hos cœnam suam non gustaturos prædixit .

*Applicatio.* Significat beatum esse. qui hunc panem S. Eucharistiæ in Ecclesia

clesia militante comedet; quia aliter comedet in triumphante: caueant tamen alii qui invitātvr, nè se excusent, quia alii humiles (ipsis exclusis) admittētur, neq; alii deerūt in domo Dei.

### *III. DIE MARTIS.*

*De convivio S. Matthæi Luc. 5, Matt. 9.*

1. Confid. Quomodo Christus post conuersionem S. Matthæi, ascenderit in convivium cum aliis publicanis: & quamvis Pharisei murmurarent, non tamen abstinuit ut peccatores converteret.

2. Confid. Ad murmurationem Phariseorum de conuersatione cum peccatoribus reprimenda, adducit exemplum filij prodigi, cui conuerso pater occidit vitulum saginatum, & fecit convivium.

*Applicatio.* SS. Patres per vitulum saginatum intelligunt Carnem Christi quæ in hoc Sacramento datur etiam peccatoribus, sed ijs, qui penitentiam de peccatis egerunt, quare pius Pater non dedignatur cum iis comedere

dere, & proprium ferculum communicare, scilicet seipsum.

#### IV. DIE MERCVRII.

##### *De convivio Zachæi.*

1. Confid. Quanto desiderio optârît Zachæus Christum videre, vt præcurreret, ascenderetq; iu arborem sycomorum. Hinc Christus ei descendere iusso denunciat, se eo die apud ipsum velle manere.

2. Confid. Quòd magna fuerit facta in tota illa domo mutatio, adeò vt Christus eam prævidens dixerit Matt. 19. *Hodie salus huic domui facta est.*

*Applicatio.* Vt peccator (qui extra se ambulat per res huius mundi dispersus) intelligat per pœnitentiam ad seipsum redire, statim enim Deus cor eius ingreditur, & in hoc SS. Sacramento integram præbebit sanitatem.

#### V. DIE IOVIS.

*De Convivio 5. panum, pro multitudine.*

1. Con

1. Confid. Huius simplicis plebeculæ pietatem ac deuotionem, vt Christum sequeretur, etiam in solitudinem, neglecto cibo &c.

2. Confid. Quomodo Christus huius populi misertus curam suscepit, dans ei nunc 5. nunc 7. panes, & multum superfuit.

*Applicatio.* Significatur hoc Sacramentum, in quo 7. continentur ad salutem nostram pertinentia. 1. Christi corpus. 2. Sanguis. 3. Anima 4. Diuinitas 5. Dona gratiarum 6. Virtutum eius. 7. Meritorum ac satisfactionum thesaurus: & postquā desideria omnium communicantium expleuit, adhuc quod superest est infinitum, vt alios infinitos ( si adessent ) posset satiare.

## VI. DIE VENERIS.

### *De convivio Simonis Leprosi.*

1. Confid. Quomodo Christus tanquam benignissimus medicus non dedignetur mensæ assidere, & māducare cum



re cum Simone, qui fuerat antea leprosus, nunc erat sanus: vel cum Lazaro, qui antea quatrIduanus fuerat, & foetidus: sed à Christo suscitatus.

2. Confid, Quomodo huic convivio intervenerit Magdalena (à 7. dæmoniis per Christum liberata) ut lachrimis rigaret pedes eius, crinibus tergeret, & vnguentum pretiosum super ipsius recumbentis caput effunderet.

*Applicatio.* Non aliter modo in hoc sancto convivio agit, dum eos, qui antea peccatores fuerunt, sed modò se se emendârunt, ac vitâ gratiæ vivunt, libenter admittit. Delectatur etiam si in hoc convivio, pretioso deuotionis unguento vngitur, quando nostra omnia in eius obsequium offerimus.

## VII. SABBATHO.

### *De convivio ultimæ cænæ*

1. Confid. Quomodo Christus vnâ cum Discipulis, comederit initio agnû Paschalem veteris legis igni assum, cû lactu-

lactucis agrestibus, aliisque cæremoniis olim à Deo præscriptis.

2. Confid. Quomodò idem Dominus comederit alium agnum, non iam typicum (qualis fuit) sed Agnum Dei-verum) corpus scilicet ac sanguinem suum, sub speciebus panis & vini) assum, iam non igne externo, sed igne purissimæ charitatis.

*Applicatio.* His verò actionibus, Christus nobis significat, optare se ut qui communicaturi sunt, prius eum comedant spiritualiter, considerantes eum fuisse assum igni suorum tormentorum & cruciatuum, gustasse etiam amaritudinem suarum afflictionũ. Ideoq; in ipsâ institutione huius Sacramenti, dixit: *Hæc quotiescunq; feceritis, in mei memoriam facietis.* Deindè idem Dominus sacramentaliter (post talem præparationem) sumendus est, ut participes fiamus dulcissimorum redemptionis nostræ fructuum, qui dignè eum sumentibus cõcedi solent.



MEDITATIONES SEPTEM

*Pro tempore Quadragesimæ.*

**Q**Voniam hoc Sacramentū ( vt paulò ante dictum ) est memoriale passionis : ideò singulariter hoc ipsum in Quadragesimæ tempore, quo Ecclesia Passionem Domini recolit, celebratur.

I. DIE DOMINICO

*De mysterijs in horto factis .*

1. Confid. Quà tristitiâ affectus sit propter peccata hominum & singulariter propter peccata, quæ homines coram hoc Sacramento commissuri erant : quales sunt injuriæ, quibus illud afficiunt? parvus fructus, quem inde capiunt.

2. Confid. Quomodo in agonia positus, sudârit guttas sanguinis, ut scilicet in sudore vultûs sui promereretur nobis panem cœlestem, quem sumere debe-

deberemus, vescentes eius carne, cui sanguis coniunctus est, licet sub speciebus & accidentibus externis delitecant.

3. Confid. Quomodo inde surgens, obuiam fuerit turbæ venienti ad comprehendendū, ac S. Petrum impedire volentem reprehenderit, dicens. *Calicem quem dedit mihi Pater, non vis ut bibam?* Ioan. 18. Quo facto nos docuit, quā alacritate ad hoc SS. Sacramentum accedendum sit, neq; permittendum, ut à quoquam impediāmur, tam à calice Passionis (si quando illū nobis Deus obtulerit) quā à SS. Eucharistia sumenda, si eam Deus nobis inspiraverit mētem, dicendo cum Propheta, Psalm. 115. *Calicem salutaris accipiam: & nomen Domini invocabo.*

## II. DIE LVNÆ.

*De gestis in domo Caiphæ.*

1. Confid. Christus Caiphæ roganti, an esset Filius Dei benedicti, respondit:

E2

Ego

Ego sum. Et nè videntes eum tam abiectum, responso non crederent, adiecit, Matth. 26 *Videbitis filium hominis sedentem a dextris virtutis Dei, & venientem in nubibus cæli,*

*Applicatio.* Hoc spiritu tibi firmiter credendum est, eundem Dei filium qui sedet ad dexteram *Patris*, Iudexq; aliquando venturus est, in hoc SS. Sacramento contineri, licet accidentibus panis & vini, in speciem abiectis, velatum, vt reverentiam tantæ maiestati debitam exhibeas, cum eo amore, quem tanta humilitas exigit.

2. Confid. Quomodò hostes, hoc responso audito., *velaverint faciem eius*, in eam conspuerint, &c. quæ omnia, stupenda cum patientia pertulit.

*Applicatio,* In his significantur peccata indignè communicantium. *Velant* oculos, qui accedunt fide mortuâ non advertentes, se à Deo videri, aut ibi præsentem esse. *Co. spuant* eum, qui cum sint lascivi, voratores, garruli accedunt tamen ad Communionem. *Capillos vellunt*, tumultosi, scandalo-

lōsi, qui fraternam vnionem lādunt. *Faciem cadunt* mundani, ambitiosi, qui leges mundi pluris faciunt, quam Dei ipsius. Hæc à malis tolerat in gratiam electorum, qui eum cum reverentia suscipiunt.

3. *Confid.* Quomodò Christus tota illa nocte detentus ac ligatus ibi fuerit; nec seipsum solvit, quamvis facillimè, si voluisset, potuertt. Sic nunc manet in sacrario Ecclesiæ solus, expectans vt manus fideles accedant petitori necessitatum remedia.

### III. DIE MARTIS.

#### *De gestis apud Herodem*

1. *Confid.* Quomodo Herodes ex curiositate desiderarit videre Iesum, vt miraculum fieret, quod Christus noluit. Similis est, qui ad SS. Communionem accedit spiritu curioso gustandi fauores, quos Christus electis suis largitur: sed talis indignus est.

2. *Confid.* Quomodò Herodes cum  
C3  
suis

fuis eum spreuerit, & veste albâ induerit ad contemptum. Sic Dominus vestem gloriæ exuens, tegit se veste accidentium. Et quam uis ideò ab infidelibus & impijs contemnatur, tamen à pijs, pro amore & sapientia amatur.

3. Confid. Christus veste illa indutus, per plateas Hierusalem ambulavit tanquam stultus, &c. irrifus ab alijs, qui ante paucos dies, vestes suas eius asinæ substrauerant. In præmium hujus contemptûs deferitur nunc magna cum pompa per plateas Ecclesiæ cum hymnis & canticis.

#### IV. DIE MERCVRII.

##### *De gestis in Prætorio.*

1. Confid. Quomodo Christus ab Herode rediens, minoris fuerit æstimatus quam Barabbas.

*Applicatio.* In hanc horam idem in SS. Sacramento sustinet, cùm multiplex faciunt panem mendacij & voluptatis, item delicias ac honores mundi.

mundi, quàm panem vitæ, qui hic datur, sicut olim Israëlità in deserto, manna contemnentes, suspirabant allia, cæpas, &c.

2. Confid. Quomodo sacratissimum ejus corpus dirissimè flagellatum fuerit ut pretiosissimum sanguinem unde quaq; effunderet, eundem tamen totum in hoc Sacramento posuit sub speciebus panis triticei, qui cribratur, molitur, pinsitur, & ad ignè coquitur, ut nostrum fiat alimentum. Sicq; docet, exercitia patientiæ apta esse media ad magnam spiritualem voluptatem ex hoc Sacramento capiendam.

3. Confid. Quomodo summa cum ignominia coronatus, & irrisus fuerit à militibus, & insuper à Pilato toti populo ostensus, cùm diceret: *Ecce homo*; sed multò magis à populo contemptus. Hunc in modum ostenditur nobis quotidie Christus in sacra Communionem, cùm dicitur: *Ecce Agnus Dei*. quam vis enim videatur esse panis, tamen est verus homo, Imò *Agnus Dei qui tollit peccata mundi*.



## V. DIE IOVIS.

*De Baiulatione Crucis*

1. Confid. Quomodò Christus usq; ad montem Calvariae ductus fuerit, ibiq; cruci affixus sacratissimum sanguinem copiosè effuderit per vulnera manuum & pedum. In huius rei memoriam, quotidie in Missa leuatur sacra Hostia & calix, in quibus est idem corpus & sanguis eiusdem Domini nostri, cum signis vulnerum, per quæ tunc fluxit, vt omnes intelligant; *Primò*, Se si hñc Dominum ita elevatum, viva fide aspi- ciant, sanandos esse à spiritualibus vulneribus, si modò veniam pro illis flagitârint. *Secundò*, sciant etiam finem ac scopum sacræ Communionis esse, vt vires recipiant ad tolerandam crucem, atq; in eadem mundo & proprio amorì moriantur, instar, *Vidua illius. 3. Reg. 17* quæ duo ligna colligebat, vt panem faceret pro se & filio, nè moreretur: Sic nos mysteria crucis

crucis Christi considerantes, condiamus panem coelestem, quo sumpto, moriemur mundo, ac Deo vivemus.

2. Confid. Quomodo CHRISTO ad montem perducto, *dederint* secundum Prophetam, *Fel in escam, & in siti potaverunt eum aceto*. Ipse vero nunc dat nobis carnem suam in cibum & sanguinem suum in potum cum summa dulcedine, quem ipse magna amaritudine comparavit.

## VI. DIE VENERIS.

### *De mysterijs in Cruce factis.*

Confid. Quæ signa facta sint cum Dominus in Cruce penderet. Hæc enim innuunt dispositiones, quibus ad SS. Communionem sit accedendum, *Terra motus*, est timor Dei. *Scissio petrarum*, est contritio, quâ cor conteritur. *Sepulchrorum apertio*, est sacra Confessio. *Scissio veli*, est penetratio arcanorum Christi. *Verba septem* quæ in Cruce locutus est, significant

fructus ex sacra Communione hauri-  
 endos . 1. orare pro persequentibus .  
 2. benefacere indigentibus & peten-  
 tibus, 3. curam agere personarum &  
 rerum, quæ nobis aliqua ratione in-  
 cumbunt . 4. sitire iustitiam, gloriam  
 Dei, & frequentem Communionem,  
 5. opera Dei ad finem usq; perducere  
 quanta fieri potest, perfectione. 6. re-  
 currere ad Deum in nostris angustiis.  
 7. Spiritum nostrum, nostraq; omnia  
 ei fidenter committere, neq; ex Cru-  
 ce descendere usq; ad mortem, eti-  
 amsi, yt eam deseramus, vrgeant  
 adversarii, qui nos tentant .

## VII. SABBATHO.

### *De sepultura Christi.*

Confid. Quomodò Christi Corpus  
 unctum fuerit magnâ copiâ myrrhæ  
 & aloës involutum sindone mundâ, ac  
 positum in sepulchro lapideo, in quo  
 nondum quisquam positus fuerat, ad-  
 voluto etiam ac signato ingenti lapi-  
 de ad

de ad ostium monumenti. Quibus signatur ratio perfectè communicandi offerendo Deo multas mortificationes, easq; valdè perfectas. 2. induendo vestem puram magnæ perfectionis aptatam novo homini. 3. præparando in anima interius monumentum, sive sepulchrum, in quo ipse Dominus requiescat. 4. Cor post susceptam SS. Communionem lapide constantiæ claudendo, firmo proposito obfignando, & magnâ sensu custodiam adhibendo, vt SS. cogitationibus, feruentibus affectibus, ac petitionibus, tali hospite in cor suum suscepto, seorsim perfruatur.

---

## A PASCHATE AD PENTECOSTEN.

Considerari possunt mysteria, quæ eo tempore evenerunt, quæq; ab Ecclesia, tum ferè celebrantur, & quæ ad SS. Eucharistiæ Communionem applicanda erunt.

## I. DOMINICA.

*De Descensu ad limbum.*

Confid. Quomoddò Sanctissima Christi Domini anima visitauerit iustos, qui erant in limbo, eosque consolata fuerit, claram sui visionem eis communicans, & ex obscuro carcere, in qua tenebantur educens: ita etiam eadem visitat communicantes, eos consolatur, & ex tenebris quibus tenentur educit, ac benignæ iucundæq; contemplationis dono hos illustrat.

## II. DIE LVNÆ

*De resurrectione gloriosa.*

Confid. Quod resurrexit gloriosus, vniens animam corpori mortuo, quod erat in sepulchro, tribuens ei *quatuor gloriæ dotes*. Ita & nunc cum tota sua gloria ingreditur animam cui vnitur, eamq; vivificat, & fervorem impertit,  
com

communicans ei cœlestes suas proprietates: ut cum ipso resuscitata in vitæ nouitate ambulet. Reddit etiã illã quasi impassibilem, ob patientiam in adversis; quasi incorruptibilem & immortalem, ob præseruationem à grauioribus culpis; clarã & splendentem, ob splendorem operum bonorum; agilem & promptam ad præcepta & consilia divina implenda & amplectenda; subtilem deniq; & ita spiritalem, ut exuat se ab omnibus rebus terrenis.

### III. DIE MARTIS:

#### *De Apparitionibus*

Considerandæ variæ eius apparitiones, diversis vicibus, variisq; figuris discipulis suis factæ, loquendo cum eis, Act. 1. *De regno Dei*: magnaq; arcana eis aperiendo, *Vulnera* sua tangenda offerendo, & magnos alios favores eis exhibendo, ac magna auxilia promittendo: nunc hoc, nunc illo modo. Ita etiam in sacra Communione manifest-

manifestat se spiritualiter iustis, mille modis: cum quibus magnā contrahit familiaritatē, & blandissimè loquitur.

## M O N I T I O.

Possent quoquē ex variis Christi apparitionibus eligi 7. pro 7. Hebdomadæ diebus, quales esse possunt.

1. Beatissimæ Virginis Mariæ factæ.
2. Mariæ Magdalenæ eiusq; sociabus
3. S. Petro Apostolorum Principi ob peccatum dolenti.

4. Duobus Discipulis euntibus in Emmaus.

5. Omnibus Discipulis in cœnaculo congregatis.

6. Facta ijs, qui piscabantur, ad mare Tiberiadis.

7. Facta omnibus, in ipso festo Ascensionis. Pro quibus materia sumi poterit 5. parte Medit. applicādo ad hoc Sacramentum, quod difficilè non erit, quare in plerisq; vel sumebat cum eis cibum, frangebat panem aut partem piscis assi, vel favum mellis, quæ  
erant

erant huius convivii cœlestis, figuræ  
in quo res significata nobis datur.

#### IV. DIE MERCVRII

##### *De gloriosa Ascensione:*

Confid. Quòd suo tempore ascendens  
in cœlum vnde venerat, captivam  
ducat captiuitatem, & corda Disci-  
pulorum, ibiq; sedet ad dexteram  
Patris, agens nostrum advocatum: Ita  
& nunc descendit *de cœlo ad Sacramen-*  
*tum* & ingreditur cor communicantis:  
& postea ascendit in cœlam captivam  
ducens eius animã, amoris compedi-  
bus: vt *conuersationem* suam habeat in  
*cœlis*, vbi ipse est, & ipsa præsens sit spe,  
quod suo tempore eodem ascendet, &  
cum eo sedebit in illa sede gloriæ.

#### V. DIE IOVIS.

##### *De cœlesti gloria.*

Confid. Quemadmodum ipse Chri-  
stus verus Deus & homo est in cœlo  
empy



empyreo, magnum præsentia sua honorem adferens cœlesti beatorum civitati: nam ipse est sol eos illuminās, fons aquæ vivæ eos recreans, alimentum, quod illos alit, suæq; Divinitatis & humanitatis visione satiat, ita vt in ipso solo habeant Beati omnia bona, quæ ad æternam suam requiem optare possunt. Eodem modo voluit idem ipse Dominus assistere Ecclesiæ suæ, latens tamen *in hoc Sacratissimo Sacramento*, nos ipsos honorans, & omnibus bonis replens. Nam vt S. Ambrosius dicit lib. 3. de Virginitate: *Christus nobis omnia est: nostra sapientia, iustitia, sanctitas: & redemptio nostra.*

## VI. DIE VENERIS.

### *De Spiritu Sancto.*

Misit præterea Spiritum S. è cœlo in suos Discipulos. qui donis & gratiis suis eos repleuit, & in alios viros mutavit, *igneas linguas* eis dedit ad loquen-

quendum, & prædicandam eius legem  
 magno spiritûs fervore. *Et nunc* vult  
 idem ipse Dominus etiam è cœlo ve-  
 nire ad *Sacramentum*, & indè nobis  
 Spiritum sanctum communicare, gra-  
 tiis suis replere, & amoris sui igne  
 inflammare: vt de eo sentiamus, &  
 cum eo loquamur vt par est, ad nostrâ  
 maiorem perfectionem, & aliorum  
 bonum. Quare in hoc Sacramento ve-  
 nit illè Dominus, qui est *flos Iesse* Isa. 11.  
*In quo requievit Spiritus Dei*, cum se-  
 ptem spiritibus: quos Isaias appellat  
 cap. 11. 2. *Spiritum sapientiæ & intelle-*  
*ctûs, spiritum consilij & fortitudinis, spi-*  
*ritum scientiæ & pietatis & spiritum ti-*  
*moris Domini.* Est quoq; Zach. 3-9. *Lâ-*  
*pis super quem sunt septem oculi* Apoc.  
 5, 9. *Qui sunt septem Spiritus Dei, missi*  
*in omnem terram.* Et ingrediens in  
 communicantem dignè, tribuit ei se-  
 ptem hos spiritus ualdè copiosè: *timo-*  
*rem filialem*, quo ipsum reuereatur, &  
 ab omni recedat malo: *fortitudinem*,  
 quâ res magnas obsequij eius aggre-  
 diatur: *pietatem*, quâ ad res diuini cul-  
 tûs

tus benè sit affectus - *consilium*, né in rebus agendis aberret: *scientiam*, ad opera Dei, eiusq; beneficia agnoscenda: *intellectum* ad fidei mysteria penetranda: *sapientiam* deniq; ad sentiendum & voluptatem capiendam in excelsis rebus divinitatis.

## VII. DIE SABBATHI.

### *De inspiratione Spiritûs Sancti.*

Consid. Quomodò Spiritus S. statim cœperit inspirare fidelibus frequētem huius Sacramenti usum: de quibus S. Lucas Actuum 2. 24. ait: *Erant perseverantes in doctrina Apostolorum & orationibus, & communicatione fractionis panis*, qui erat Eucharistia. Nam Spiritûs S. proprium est, iustos his tribus cibis spiritualiter alere: concionibus scilicet audiendis, orationibus fundendis, & huius divini panis communicatione. Quos hoc ordine collocat, quia Dei verbum audire, disponit ad orationē piē fundendam, oratio ad Communionem, quæ præcipuus est cibus.

## A PENTECOSTE

*Vsq; ad Adventum*

**C**ONsiderari possunt myſteria divinitatis eiꝯq; perfectionum ac beneficiorum, quæ mundo contulit: quæ possunt in singulos hebdomadæ dies distribui. &c.

## I. DIE DOMINICO.

*De Myſterio SS. Trinitatis*

Confid. Quòd scilicet tres Personæ Divinæ propter unitatem in eſſentia, ſint in SS. Sacramento, comitantes corpus & ſanguinem Ieſu Chriſti Domini noſtri. Pater itaq; æternus ibi eſt generans filium ſuum, eiꝯq; commu- nicans ſuam et divinitatē, ſummè gau- dēs quòd talem habeat filium, & quòd ille ſit cum hmanitate unitus, ſub ſpeciebus panis & vini: quia ipſe mi- ſit illum in mundum, vt noſter eſſet redem-

redemptor, & nunc eundem mittit, vt nostrum sit alimentum, quod ab ipso nobis dari petimus: dicentes *Pater noster qui es in cælis: Panem nostrum quotidianum da nobis hodiè.* Filius Dei cum summa voluptate in ipso est Sacramento, accipiens esse à suo Patre: & vterq; mutuo se amore infinito amâtes, producunt Spiritum Sanctum, & ibi est cum sua humanitate coniunctus venitq; eò, vt nos sibi per amorem coniungat: ponens nobis tanquam exemplar, unionem, quam cum suo Patre habet: vt ipsemet Christus Dominus loquens, cum Patre suo affirmavit dicens: Ioan. 17. *Ego claritatem quam dedisti mihi dedi eis: vt sint vnum, sicut & nos vnum sumus.* Spiritus Sanctus in eodem Sacramento est, accipiens esse à Patre & Filio cum summo gaudio: quòd sit vnus & idem Deus cum illis: & cupit seipsum nobis communicare in hoc Sacramento: vt faciat nos unum secū per charitatem, quam effundit in corda nostra. Et sic impletur, quòd Salvator noster dixit. Ioan. 14. 23. *Si*

*quis*

*quis diligit me, sermonem meum servabit  
& Pater meus diliget eum, & ad eum ve-  
niemus, & mansionem apud eum faciemus*

## II. DIE LVNE.

### *De divinis perfectionibus.*

Consideratio erit septem Divinarum perfectionum, quæ in hoc mysterio elucet: infinitæ scilicet *Sapientiæ* Dei, quâ talem convivii formam adinuenit, ut coniungeret res adeò distantes, & modo illo adeò prodigioso ut nobis indulgeret *Immensitatis*, quâ manifestat in eo, quòd quemadmodum Deus est in omni loco, & in terra, & in locis innumeris: ut possit ubique esse venerationi & cum reverentia sumi. *Omnipotentia*, quâ stupenda adeò edit prodigia, convertens substantiam panis in corpus suum; retētis interim accidentibus panis, quibus se tegat, & occultet: idēq; facit in vno momento, & simul in plurimis locis. *Infinitæ Charitatis*: quâ nos adeò

dili-

diligit, ut velit vnum fieri nobiscum  
 sicut cibus cum comedente, quamvis  
 non nos eum mutemus in nos, sed nos  
 mutemur in eum, vt eius gloriæ par-  
 ticipes efficiamur. Immēſæ *Misericor-*  
*diæ*: quā inductus, ipsemet in persona  
 venit ad reparandas nostras miseras,  
 & pascendos esurientes, potumq; præ-  
 bendum sitientibus, cibo & potu aded  
 pretiosis. Summæ *Perseverantiæ*, hæc  
 omnia præstans, & toties repetens,  
 vsq; ad finem mundi, assistens inter su-  
 os Ecclesiæ suæ, vt etiam nunc osten-  
 dat, se in *finem diligere* Ioan. 13. eosq;  
 velle *in regnum suum admittere*.

### III. DIE MARTIS.

#### *De beneficijs naturalibus*

Consideratio erit de beneficiis natu-  
 ralibus, Creatione, Conservatione,  
 & Prouidentiâ erga homines. Non  
 enim contentus quod nos ex nihilo  
 creauerit, & sēper nos in esse quod de-  
 dit conservet, peculiarem gubernatio-  
 nem

nem & providentiam vniuscuiusq; gerit, subueniens cuiq; prout opus habet. manumq; suam aperiens ad eos benedictionibus suis replendos, tribuens alimenta necessaria corpori cum mille ciborum differentiis & varietatibus. Sed cum id totum modicum reputaret, voluit suavissimam suam providentiam ostendere, prospiciens nobis de cibo alio caelesti multo pretiosiori quam fuerit Manna. Accipiens enim naturalem cibum panis & vini, illum in corpus & sanguinem suum transubstantiavit, ut sub speciebus rerum naturalium ingrederetur in nos, quod est Dei supremum *Quidem* (ait Zacharias Propheta c 9.7.) *bonum eius est, & quid pulchrum eius nisi frumentum electorum, & vinum germinans Virgines.*

#### IV. DIE MERCVRII.

*De beneficijs supernaturalibus nostrae Redemptionis.*

Consideratio erit beneficiorum supernaturalium nostrae redemptionis

*cum*



cùm filius Dei factus est homo, & in hoc visibili mundo fecit erga homines omnia officia, quæ illi poterāt in suum commodum optare. Ostendit enim amabilem suam providentiam erga eos. Nam, vt Magister, eos docuit doctrinam cœlestem; vt medicus, eorum curabat morbos; Pastor & protector eosdem regebat, & in suis periculis protegebat, Benefactor omnium vniversalis: ac deniq̃ fuit eorum Redemptor, effundens suum sanguinem, & crucis mortem subiens. Et quoniã pauci homines frui potuerūt eius præsentiã in carne mortali, modum illum adinvenit, vt in hoc Sacramento remaneret, & cuiq̃ eadem conferret beneficia, & faceret participes bonorum, quæ, talia officia exercendo, largitur.

## V. DIE IOVIS.

### *De eisdem.*

Consideratio erit beneficiorum supernaturaliũ, quæ sunt mediâ nostræ salutis

salutis, & continentur in vocatione, justificatione, augmento gratiæ, & charitatis, omniumq; virtutum, ac donis Spiritûs Sancti, & perseverantia usq; ad finem vitæ: quæ Dominus noster communicat cœlestibus suis inspirationibus, & Sacramentis, quæ constituit, & nobis reliquit. Inter quæ tamen magis eminet EVCHARISTIA, in qua non contentus, quòd sua nobis dona largiatur, seipsum etiam nobis tradit, & ipsemet per seipsū, venit, ut propria sua manu ea nobis det, & inde in ipsâ Missa mittit inspirationes sanctas quibus vocat, iustificat, & ferventiores reddit adstantes, & frequenti communione gratiam suam auget, & perseverantiâ in ea tribuit: ipse enim dixit: Ioan. 9. 55. *Qui manducat me, non morietur, sed vivet in æternum.*

## VI. DIE VENERIS.

### *De Sacrificio Missæ & Valore.*

Confid. Quòd Sacrificium sit fons duorum præstantissimorum beneficiorum,

**E** . . . **rum,**

rum. Est enim infinitus thesaurus, ex quo pretium accipimus, ad solvenda nostrorum peccatorum debita, imò etiam cognatorum nostrorum & amicorum viventium ac defunctorum: est què titulus & ius amplitudinis infinitæ ad impetranda omnia naturalia & supernaturalia bona, quæ desiderare possumus, & petere à Domino nostro, in utilitatem & commodum nostrum, ac proximorum. Ex quo fit, vt miracula quæ Salvator noster, dum viveret in hoc mûdo, edidit erga infirmos & indigentes; eadem etiam in hoc Sacramento ediderit, accipientibus illud viris sanctis, tanquam medium ad ea impetranda, ad dandum scilicet infirmis sanitatem, eijciendos dæmones hostes superandos, & insignia alia miracula.

VII. DIE SABBATHI.  
*De beneficio cœlestis gloria.*


Confid. Beneficium gloriæ cœlestis, quæ est æternus & immutabilis status,  
 ab

ab omnibus malis, quæ timeri aliàs  
possunt expeditus, plenus verò omni-  
bus bonis, quæ desiderari possunt, pro-  
pter visionem & possessionem Dei, cu-  
jus pignus est Sanctissimum hoc Sacra-  
mentum, adeò certum & securum, ut  
ipse Salvator dixerit, 9. 55. *Qui man-  
d cat meam carnem habet vitam ater-  
nam.* Quare si Deus oculos mihi ape-  
raret tantumq; lumen largiretur, ut vi-  
dere possem totum quod ibi latet, sta-  
tim essem beatus, sicut qui jam sunt in  
paradiso. Et quemadmodum ait S.  
Ioannes, Apoc. 22. 1. *Quod e sede Dei  
& Agni procedebat fluvius aquæ vivæ,  
irrigans cœlestem civitatem Ierusalem  
( & ex utraq; parte fluminis erant pluri-  
mæ arbores Vitæ, per menses singulos  
reddentes fructum suum: )* & signifi-  
cant ipsos beatos, quorum gaudia sunt  
semper recentia, & perpetua: propter  
visionem beatificam, quæ fluminis in-  
star procedit à Divinitate, & humani-  
tate Salvatoris: ita dicere licebit, in  
Divino hoc Sacramento esse thronum  
& sedem Dei & Agni qui est Deus &

homo, à quo fluit fluuius gratiæ ac celestium deliciarum : cuius virtute iusti conseruant bonorum operum fervorẽ ad similitudinem beatorum . Cùm igitur Christus verè sit arbor vitæ in semutans comedentem ipsum , non mirum quòd ipsi comedentes etiam vocentur arbores vitæ . Excita igitur in te fidem Christi Domini in hoc Sacramento præsentis, cupiens vniri ei perferuentem amorem. Sic enim habebis hic inchoatam tuam beatitudinem , suspirās ad æternam & plenam consequendam , ac dicens cum Angelico Doctore Sancto THOMA.

*Iesu, quem velatum nunc aspicio  
Quando fiet istud, quod tam sitio,  
Vt te reuelata cernens facie,  
Visu sim beatus tuæ gloriæ?*





S P E C V L V M  
CLERICORVM

A C S A C E R D O T V M,

EXIVRE CANONICO,  
& doctrina S. CAROLI Card.  
Borromæi confectum.



P R Æ F A T I O.

**S**acrofanctum & Oecumenicum  
Concilium Tridentinum in Sess.  
12. de Reformatione Cap. 1. Sta-  
tum Clericalem in debito officio con-  
tinere desiderans, & in quibus fortè  
defecisset emendare & reducere, vt  
Christi bonus odor sit Deo in omni-  
bus, vt conuenit, quæ sequuntur, sta-  
tuit, & decrevit, quæ quidem, pro  
præsentis SPECVLI Clericalis & Sa-  
cerdotalis introductione & procæmio  
conuenientissimo hic syllabatim inse-

rere consultum fuit, cū nihil eo melius, nihilvè sanctius, aut luculentius ad hoc propositum possit excogitari. Sic igitur Sancta Synodus piæ Matris Ecclesiæ ministros, Clericos & Sacerdotes adoritur & exhortatur Concil. Trident. Sess. 12. cap. 1.

Nihil est, quod alios magis ad pietatem & Dei cultum assidue instruat, quàm eorum vita, & exemplum, qui se Divino ministerio dedicarunt. Cū enim à rebus sæculi in altiore sublati locum conspiciantur, in eos, tanquàm Speculum reliqui oculos conijciunt, ex ijsq; sumunt quod imitentur. Quapropter sic decet omninò Clericos, in sortem Domini vocatos, vitam, moresq; suos omnes componere, vt habitu, gestu, incessu, sermone, alijsq; omnibus rebus nil, nisi grave, moderatum, ac religione plenum præferant. leuia etiàm delicta, quæ in ipsis maxima essent, effugiant, vt eorum actiones cunctis afferant venerationem. Cū igitur, quo maiore in Ecclesia Dei & utilitate, & ornamento hæc sunt,

sunt, ita etiam diligentius sint observanda, statuit Sanctâ Synodus, ut quæ alias à Summis Pontificibus, & à sacris Conciliis de Clericorum vita, honestate, cultu, doctrinaq; retinenda: ac simul de luxu, commensationibus, choreis, aleis, lusibus, ac quibuscunq; criminibus, necnon sæcularibus negotiis fugiendis, copiosè ac salubriter sancita fuerunt, eadem in posterum iisdem pœnis, vel maioribus arbitrio Ordinarij imponendis, observentur; nec appellatio executionẽ hanc, quæ ad morum correctionem pertinet, suspendat. Si qua verò ex iis in desuetudinem abiisse compererint, ea quàm primùm in usum revocari, & ab omnibus accuratè custodiri studeant, non obstantibus consuetudinibus quibuscunq; ne subditorum neglectæ emendationis, ipsis condignat, Deo vindice, pœnas persolvant.



# LEGES ET REGULÆ Clericorum ac Sacerdotum.

## I.

**S**int Clerici memores perpetuò vocationis, quâ eos Dominus dignatus est, cuiusquē quod scriptum est: *Sancti estote, quia ego Sanctus sum, nemi dantes ullam offensionem, ut non vituperetur ministerium, sed in omnibus exhibentes seipsos sicut Dei ministros. Levit. 11. g. 44. 2. Cor. 6. 4.*

## II.

**C**oelestem in terris vitam, tanquā Angeli Dei agant, exspoliantes veterem hominem cum actibus suis, & novum induentes; quinimò electi Dei, Sancti & Dilecti; viscera misericordiæ, benignitatem, humilitatem, modestiam, patientiam induentes; sint prudentes, sed non apud se metipsum: supportantes invicem: non invicem prouocantes: non invicem

invidentes: subiecti invicem: non dominantes in Laicis, sed charitate fraternitatis invicem diligentes, & honore invicem præuenientes: hospitales, invicem suscipientes. & iustitiam induentes: si fieri potest cum omnibus hominibus pacem habentes: omnem ostendentes mansuetudinem ad omnes homines. *Ex Epist. S. Pauli Apost.*

III.

**N**on huic sæculo, sed Pontificum sanctionibus Oecumenicis, Concilijs, Provincialibus, Diœcesanis Synodis sese conformantes, & adhærentes: Episcopis, alijsq; Superioribus obedientiam & reverentiam habentes.

IV.

**S**int spiritu ferventes, Domino servientes, & orationi instâtes, ut ambulent dignè, Deo per omnia placentes: in omni opere bono fructificâtes, & crescentes in scientia Dei: & quæcunq; sunt vera, quæcunq; amabilia, quæcunq; bonæ famæ, si quæ virtus,

si quæ laus disciplinæ, hæc cogitent.

## V.

**S**I sint in sacris, aut beneficiati, Horas Canonicas studiosè & deuotè recitent: & psallant sapiënter, & non fraudulentè. *Cap. Doctores de celebr Miss. & pius Vt in Bulla quæ incip-Ex proximo.*

## VI.

**C**oronam (quod insigne est Ordinis Clericalis) non maiorem, nec minorè, sed conspicuâ & pro ratione Ordinis, quo singuli initiati fuerint, gerant.

## VII.

**C**omam & barbam nè studiosè enutrient, & in superiori labio (in Sacerdotibus præsertim) omninò reiciuntur, ita vt appareat discrimen à secularibus. In refecandis, & mundandis vnguibus pollicis & indicis Sacerdotes diligentiam adhibeant *Cap. 4. de vita & hon. Cler. & cap. Clerici eodem.*

## VIII.

**H**abitum gestent non exquisitum,

non fulgidū, aut speciosum nimis: rur-  
 su non sordidum, & neglectum,  
 sed gravem, & talarem, & is tūm  
 domi, tūm foris sit pro vniuscuiusquē  
 Ordinis, gradusq; ratione: quem nun-  
 quam dimittant: neq; ob parentum,  
 aut propinquorum mortem eum mu-  
 tent. *Concil. Trident. Sess. 23 cap. 6.*  
*& Sess. 14. c. 6. Six. V. in Bulla Cana.*

IX.

**F**Vgiant ornamentorum novitatem,  
 colorisq; varietatem, præsertim  
 rubei & viridis, sed nigro semper in  
 exterioribus, in interioribus uerò simi-  
 liter, siue aliquo honesto colore vtan-  
 tur, nisi dignitas colorem alium requi-  
 rat *Ex Syn. pro S. Car. c. porrectum & c.*  
*ex parte, de Regul. & c. ult. distinct. 41.*

X.

**Q**Vando uerò iter faciendum erit  
 possunt uti habitu contractio-  
 ri, sed simplici, in quo semper ho-  
 nestas Clericalis eluceat: ueste vir-  
 gata non vtantur. *Synodus Provinc.*

## XI.

**P**ileus in summitate non acutus, in longitudine & latitudine & cingulo modestus, & sæcularibus dissimilis sit.

## XII.

**C**ollare, quod dicunt, simplex, & modicè latum honestè retineatur: camisas ad collū, & ad manus crispas, & rugosas, artificio elaboratas reiciāt

## XIII.

**T**Vrgidis & dissectis caligis non utantur, calceos & crepidas ad elegantiam nè incidant, torques & armillas ac monilia respuant: item à sæcularibus consortiis frænis, sellis, pectoralibus, calcaribus deauratis abstinere.

## XIV.

**A**Nnulum nè induant, nisi hi, quibus propter Officii munus, aut honoris gradum, sit jure concessus. Eius verò locus in quarto digito dexte-

de-teræ manus erit. *Cap. Cleric.  
offici. de vita & honest. Cler.*

## XV.

**E**T si Sacerdotes illum induant,  
in Missæ Sacrificiò eum deponant.

## XVI.

**A**B omni spléndido apparatu, luxu, fa-  
ctu, pompaq; sæculari abstineant.

## XVII.

**A**Crapula & ebrietate caveant,  
nec quisquam ad bibendũ, & sumẽ-  
dos potus æquales incitet offerens po-  
cula: parca & frugali mensa sint con-  
tenti, eamq; præcedat benedictiò, &  
intercedat sacra librorum lectiò &  
gratiarum actiò absolvat. *Cap. Non li-  
cet. dist. 44. Cap. 14. de vita & hon. cl.*

## XVIII.

**S**Vpellectili etiam modesta, ac  
potius tenui utantur.

## XIX.

**C**Lericorum arma sunt oratio  
& lachrymæ: Idcirco arma ne ferant nisi fortè extra civitatem, & in suspectis locis iter agendum sit, tunc impetratâ licentiâ iis uti liceat: & nè pugnent etiam in bello iusto, nec sint percussores, accusatores, & calumnioli, nec judicent in causa sanguinis. *Cup. 2. de vita & hon. Cler. c. p. titio, de Hom. cap, 5. ne Cler. vel Mon.*

## XX.

**P**ersonati nè incedant, nec mimis, iaculatoribus, histrionibus, fabulis, comediis, balliludijs, aliisvè inanihus spectaculis: nec ubi sanguinis vindicta exercetur: nec improborum hominum conversationibus intersint, nisi eorum pia opera sint ibi necessaria: nec pro latronibus & improbis hominibus apud principē & Magistratū intercedāt, sed apud Deum: pro iniuste autem oppressis & calumniam patientibus, possunt, & debēt apud vtrumq; intercedere

12. Cap. Cler officia de vita & hon. Cler.

## XXI.

**N**ec sint aleatores, nec huiusmodi ludorum spectatores: ludus tamen honestus, & decorus, citraque scandalum permittitur, non turpis lucri cupiditate, sed animi causa. *Cap. 1. dist. 35.*

## XXII.

**N**ihil autem scurriliter, nihil indecore, nihil turpiter loquantur, seipso facientes joculariter, goliardos, & buffones. *Cap. Cl. de vita & hon. Cl. in 6.*

## XXIII.

**C**uriositatem, leuitatem, adulationes, assentationes, maledictas, rixas, contumelias, iram, indignationem, malitiam, blasphemiam, artem sermonem caveant.

## XXIV.

**A**bstineant etiam a venationibus, aucupis, & choreis, nec licet alere canes, accipitres, falcones, &c. huiusmodi ad venandum nisi recreationis



onis causâ tantum & hoc Ar. p. tu alii-  
quando venari permittatur. *Cap. 22.*  
*d. Cl. r. Conc. Trident. sess. 24. c. 17,*

## XXV.

**T**Abernas, & cauponas evitent, nisi  
necessitatis & itineris causâ, tuncq;  
honestè gradientur, moderate rancant,  
& citò exeant: nec peregrinentur sine  
licentia: nec sine literis commendati-  
tiji in ordine ministrent: nec nocturne  
tempore vagentur, sed in Ecclesiis  
propriis sint assidui. *Cap. de cohabit. Cl.*  
*& mul. & c. Clericus d. 81. c. 2 eod. tit*  
*c. unico de vero in 6. de vit. & hon. Cler*

## XXVI.

**C**um mulieribus non cohabitent  
excepta matre, amita, & sorore,  
imò neq; cum his, si sint suspectæ quia  
castitatem illibatam & sine suspicio-  
ne servare debent: qui sacris ini-  
tiati sunt, tenentur ex v. c.

## XXVII.

**M**onasteria Monialium frequenta-  
re non præsumant, nisi ex ratio-

nabili causa: sæcularibus negotiis nõ  
se immisceāt, mercaturā & negotiatio-  
nem, officia Vice comitis, Tabellionis-  
carnificum, seu macellariorum & ta-  
bernariorū, nè exerceant: nec consu-  
lat, vel consentiāt, vel dictēt, vel pro-  
ferant sententiā sanguinis. *C. Monaste-  
ria c. 2. Ne Cler. uel. Mon. c. 9. eod.*

## XXVIII.

**A**Rs verò honesta, quā ad victum  
necessaria comparari possunt, ijs  
permittitur. *Clem. 2. de vit. & hon. Cl.*

## XXIX.

**A**Rtem medendi nè faciant, imò  
Leges, & Medicinam nè audiant,  
nec alta sapientes, ad studium Philo-  
sophiæ & Pœsis, ultra permissum  
tempus incumbant. *Cap. Clerici officia,*  
*Cap. ult. Ne Clerici vel Mon-*

## XXX.

**S**Ed quotidie aliquid ex sacris Biblijs,  
& ex Sanctorum Patrum opusculis  
Gregorij Magni, Augustini, Chryso-  
stomi

stomi, Bernardi, Cypriani, Concilij Trident. Cathechismi Rom: Ratione Div. off. & libros vitæ spiritualis de Sacramentis, ritibus & cæremoniâ Ecclesiæ, & Casuū conscientiæ, attentè legant. *Synod. Prov. S. Card.*

## XXXI.

**L**ibros de rebus jocosis, ridiculis, obscœnis, & inanibus: picturas & imagines obscœnas, procul abijciant.

## XXXII.

**O**Tia pernicioſa, & pigritiam fugientes, modesto ſilentio ſtudentes, accuratè videant, quâ præparatione, quâ devotione, quâ reverentiâ, iuxta ritus & rubricas divinum Officium dicere, & Sacerdotes sæpè Miſſas celebrare: reliqui Clerici, maximè qui in Sacris ſunt, ſacrâ Eucharistiã ſumere, & quomodò, & quo habitu veſtiri in Eccleſijs, in choro, in ſacriſtia, quæ ibi præparanda, quæ facienda in munere ſuo, ſive in maiore ſive in minore ordine, canere, aut exercere debeant.

## XXXIII

XXXIII.

**A** Liena prædia lucri causâ nè cōducant, nèvè aliorum tutelâ & curam suscipiât : curæ verò pauperum, & miserabilium, præcipuè quia stricti sunt animarum curæ, sedulò invigilent attendentes sibi, & universo gregi, quæ pascere debent verbo, & exēplo. *Cap. Perverit, dist. 86. Synod. Prov. S. Card.*

XXXIX.

**P**ro aliis nè fide jubeant, nè in laicorum procuracione & famulatu-  
ent. nisi impetratâ licentiâ : & si  
scandalum, & suspicio oriri po-  
ssit, omninò abstineant : nec sint  
parrini, nisi baptizantes. *Cap. Tum  
quidem, II. q. 1. Cap. pen. 2. q. 5.*

XXXV.

**R**ivilegijs suis non renuntient: non  
enim possunt ijs renuntiare, cū  
sint in fauorem statūs Clericalis, &  
non singularis personæ : quare in ma-  
nibus laici jurare non possunt, nec se  
subii-

subijcere iudici laico, nisi privilegium  
fori amiserint, vel licentiam habue-  
rint. *Cap. Cum non ab homine. & Ind.  
Concil. Trident. Sess. 21. cap. 2.*

## XXXVI.

**N**on alienent patrimonium, ad  
cuius titulum sunt ordinati, nisi  
imperatâ licentiâ. *Concil. Antiochen.  
Cap. 25. Episcopus &c. Res Ecclesiæ  
cum seq. q. 12. q. 2.*


## XXXVII.

**N**on incidant in beneficiorum plu-  
ralitatem, vel nundinationem  
prohibitam, vel redditum Ecclesiasti-  
corum malam consumptionem, imò  
proprio sufficienti patrimonio con-  
tenti sint, nè propinquos ditent de  
donis Ecclesiæ & patrimonio Christi,  
pauperum vsibus destinatis. & conse-  
cratis. *Can. Apost. 70. & 75. Concil.  
Trident. Sess. 125. & Refor. cap. 1.*

## EPILOGVS

**R**estat igitur vt uno verbo SPECVLUM hoc CLERICORVM ac SACERDOTVM concludatur, & paucis multa dicatur, præmissaq; omnia complectatur, dum CHRISTI Domini fideles serui & ministri viscerosè deprecantur & hortantur, ut in omnibus seipsos præbeant exemplum bonorum operum, in doctrina sana, integritate, & gravitate, abnegantes impietatem, & sæcularia desideria: sobriè, iustè, & piè viuentes in hoc sæculo, ut sint sacri & sacran-tes, perfecti & perficientes, illuminati & illuminantes, providentes bona non tantum coram Deo, sed etiam coram hominibus, cum de illis diuinitus pronuntiatum sit illud: SANCTI ERVNT DEO SVO, ET NON POLLVENT NOMEN EIVS: INCENSVM EAM DOMINI, ET PANES DEISVI OFFERVNT, ET IDEO SANCTI ERVNT.

Levit. XX. I. C. 6.



SANCTIFICABOR  
IN IIS QVI APPROPIN-  
QVANT MIHI, ET IN  
CONSPECTV OMNIS  
POPVLI GLORIFICA-  
BOR, AIT DOMINVS.

*Levit. x. a. 3.*





